

三河縣志

傅增湘  
書

三河縣志  
十六卷

黎錦熙題



於民國二十四年八月

北平中華印書局承印

### 三河縣志序

州邑之有志原於列國之史所以記一時之治績後來之文獻  
係焉第求其佳者近世惟康氏武功諸志其餘無聞直隸州邑  
之志舊稱陸清猷靈壽縣志一書誠得紀傳之體蓋其人鉅儒  
以一邑之身懷天下之大故其文卷帙無多而深厚宏闊成一  
家之言非李元仲諸人有意撫古而反破其體例者可比余官  
是地久亦嘗從事於斯凡河渠祀典賑紀亦既輯有成書欲爲  
通志拾遺補闕而尤喜諸屬吏有能留意一州一邑之志者如  
吳守廣平府志楊牧蔚州志補洪令寶坻縣志及遷安燕令沙  
河杜令兩縣志大率體例明核文辭雅正則皆爲文以序傳之  
誠以作吏者捧檄蒞官布一邑之宜欲周知地方利弊于以興



之剔之以成一代風俗之善要在鑒古人之成迹則志乘誠不可少焉三河爲畿東要地密邇首善霑被聖天子之雅化者最深極厚乃百餘年來竟未有志即略具草稿亦不醇不備未付剞劂按風土者有微憾焉陳令景宰洵四年四民咸安之庚辰冬旣以選授麻哈州將去馳謁余以邑志適竣事請余一言弁簡端夫信今傳後作志之法也修廢舉墜有司之職也陳令於數年中輯成此書不以去任易厥志陳令可爲知本矣繼自今宰斯土者展卷發冊曉然于立政之宜未必非治道之一助也余故嘉其意爲書此以畀之使與吳君諸書俱不泯焉

乾隆二十五年歲次庚辰十二月太子太保都察院右都御史  
總督直隸兼理河道軍功加三級桐城方觀承撰

### 三河縣志序

乾隆丙子歲余蒙制府題授洵邑早夜惕厲思所以報稱者必先周知一邑之疆域山川津梁道里戶口賦役土俗民情而後可以盡厥職因索舊志於掾吏吏曰未有也久而始獲康熙年間前令鄭公富民所輯志稿略而未備其序云邑故無志志之者始於明季邑令王公自謹修於國初邑令任公塾而皆未鋟木今相去又五十餘年矣故老淪亡遺書散佚歷年愈久陳迹愈湮後之人將欲述古準今求斯邑文獻所在其孰從而詢之余竊惟邑自漢潞縣始至唐開元而始有三河之名上下二千餘年凡山川之險易井里之參差城池學校之興廢戶口賦役之多寡與夫驛站倉庫代革世沿風物人材蔚生鬱秀志之不

可以已也况泃邑密邇京師首善之區我國家重熙累洽聖聖相承涵濡深厚皇上湛恩汪濊休養生息雅化日隆可無邑志以備輶軒之採哉余時時默爲搜羅考訂而未敢遽率爾也歷三年已外略有成緒是冬集邑紳士於明倫堂謀於薛學博文儒李司訓溥作修志計屬丁尉世榮專司提調延請江南孝廉王大信邑紳董炳偕子姪貢生植滋舉人存矩等相與旁搜遐攬各抒所學互相考索而以正史經傳會典一統志文集雜著之書訂其得失復採擇舊志之可存者改刪譌謬仍列原序於卷首以表前人披輯之意又寒暑一週五易稿而始成然後送太史朱東江先生鑒定呈請督憲錫之序文以弁簡端謹急付梓庶傳一邑之信焉第泃邑旣無刻志又無傳書邑中更鮮稽

古洽聞之士欲求太史公所云其文雅馴昌黎所云擇焉精語焉詳者烏可得耶語云始事也簡茲志不過就聞見備遺忘聊存文獻於什一俾洵之疆域山川津梁道里戶口賦役土俗民情可展卷而知其梗槩云爾時

乾隆二十五年嘉平穀旦

勅授奉直大夫知三河縣事陞麻哈州知州陳景序

A large rectangular frame containing multiple vertical lines, suggesting a table or a grid structure. The lines are evenly spaced and extend across the width of the page.

三河縣志稿原序

三河漢潞縣地也隸京東去都門百十里而遙蓋圻服巖邑云  
日者予遊長安邸聞燕薊薦紳先生譚說其風土迥然思與其  
沉鷲樸茂者遊而上下其議論未得也亡何承乏是邑及歷其  
疆土望其山川犁然一重地焉暇進掌故者索視邑乘對以無  
有悵然者久之按周禮有閭史惇史掌書一鄉之善惡以待輶  
軒之使采風而獻之况國家之郡縣乎郡縣而亡乘無論風俗  
龐醇無所考見而封域田賦之制戶口錢穀之額寄在簿書者  
將爲猾胥所上下莫可究竟矣若之何以清弊源告後人也乃  
謀於侍御東橋蕭公學博賈君與邑庠二三同志共訂修之書  
成凡十有二卷臚分縷晰庶幾可備檢閱矣第邑故無志又無

郡書可考所采者惟喬公起莘遺草及通州志略而已因其帙而增飾之專有望於後之君子知三河縣事王自謹撰

### 三河縣志稿原叙

余奉命令檀州三年復膺特簡調洵洵距檀百里許均古漁陽地而洵爲京東孔道恭遇皇上東宮展謁陵寢皇子親王以時分薦蒲伏供應近爲天下第一而且屬國之貢道出于茲閭左之謫發出於茲山海之漁獵亭障關塞之戍守無一不出於茲視檀較益繁凜凜乎有盤錯之虞偶於圈移踏履之餘戶籍編竣之暇進掌故者索邑乘視之應以兵燹後舊刻無存止手錄二冊備覽余思邑志之重與國史等盛世憲章傳信萬世手錄焉足據閱之自萬歷以前僅稱差備其後百餘年文獻無徵遺跡荒略以畿輔風物文章之美而近事無稽君子缺焉余承乏茲土思欲修釐舊章纂成信史而學識寡陋勢不能以一手目



之長舉千百世之績夫以良史才如班馬輩擅長今古猶多遺議何得漫無確見輕爲論著耶爰延集通邑同志廣搜稗乘自萬歷以來其灾祥風俗吏治得失人物盛衰變革損益諸事悉各一欸以本地人紀本地事所聞所見必確必公若夫忠孝節義廉潔高逸有關名教者尤宜詳列事維大而可垂善雖小而必錄人無論貴賤事不拘顯晦表微闡幽是余之責也夫遂於乙酉歲閱數月研精編輯稿始就捐俸殺青授之梓庶有成書徵信後來而余亦藉以免瘵曠焉但慮時異世殊人往風微後之君子尙相繼而成其志毋闕人亦無闕事共襄一代鉅典上尊國體下表民風斯又予之厚幸已知三河縣事鄭富民撰

舊志後序

邑志古列國史也豈惟炫麗耀侈擷奇擷秀特爲一方觀美之具已耶觀風者將采而登之王府成昭代之信史志史之初筆也可廢乎哉三河設自唐初上下千餘年何獨無志也慨昔王郎流毒鼓聲啓釁已無寧日至石晉割以賂遼終元世五百禩文獻寥寥迨我太祖肇造區夏成祖定鼎燕都始爲左輔重地涵濡聖化稱彬雅焉但去邊鄙百里而近兵戈相尋凡古今事實湮沒無聞而馭民制度復因時屢遷故未有志誠缺典也萬歷甲申夏王心翁來蒞茲土慨然以興革爲已任通變宜民百度聿新乃捐俸創脩縣志謬委役於余余惟事莫難於紀實孔子能言夏殷禮而嘆杞宋之無徵考亭歷江浙閩海所在以脩

志爲亟聖賢豈徒資博洽托空言已也固將灼前聞而見諸行事爾矣因殫心研精以次以輯其間別綱標目損益去取惟翁指授焉至於附論則又參諸父老非一人之私言也更寒暑三脫稿而成書極知蕪蔓不足以信後或一披閱而經理之始末可據寧忍視爲虛車耶是故觀天文而察變齊政之道昭矣觀地理而脩德設險之實敦矣觀建置而幹蠱傾否之志奮矣觀風土而轉移化道之機溥矣觀財賦而用一緩二之矜切矣觀典禮而天明地察之敬凝矣觀官政而忠君愛國之心生矣觀人物選舉武備而兼善達道之義重觀藝文而崇雅黜浮之習端舉其實弗泥其迹原其意弗害其辭庶幾按圖索駿藉釜得魚未必無補於疲邑也翁之治洵也英敏中寓寬大若興學校

勸農桑慎刑獄平出納繕城署清驛道實心實政有未易名言者脩志乃餘事也因備錄於此俾觀者知民惠有自云邑人監察御史蕭九峯撰



三河縣志目錄

三河縣知縣海昌陳景輯

序

凡例八則

職方卷之一

星野

疆界

形勝卷之二

山川

古蹟附

八景附

建置卷之三

沿革

城池

學校廟制  
學政

學制  
書籍 碑修  
建  
記

公廨

義學

學田

行宮

公署

倉廩

賓館

壇廟

關局

典禮卷之四

禮儀

朝賀 鄉約

頒朔 掾護

迎春 上任

鄉飲 酒禮 送學

賓興

祭祀

郵典

附

賦役卷之五

戶丁

田賦

存留 起解

雜稅

積貯

附

恩恤

鹽法

驛站

舖遞

鄉閭卷之六

街里

坊表

村莊

里社

市集

橋梁

寺觀

墳墓

保甲附

風物卷之七

風俗

時序

物產

物異附

職官卷之八

額設

年表附分

名宦傳

賢員傳

選舉卷之九

荐辟

甲科進士舉人

會副副貢

武科

歲貢

例貢

職監

武紳

掾吏

封蔭

兵防卷之十

駐防營署俸餉

額設軍政



城守

營署  
俸餉

墩堡  
軍政

額設

駐防年表  
城守年表

水利卷之十一

河渠

溝洫

井泉

人物上卷之十二

鄉賢

忠節

孝友

文苑

義行

人物下卷之十三

貞烈

僑寓

方技

仙釋

雜識卷之十四

摭言

紀事

藝文上卷之十五

碑記

序文

藝文下卷之十六

雜著

題詠



### 凡例八則

一曰原始三河本古臨洵地置縣於唐開元四年分併隸屬歷代攸殊所建城池廨舍學校壇壝一經移置則荒薺野棠誰復識其故址語有之往事之不忘後事之師也爲採史集以詳原委亦祭川先河之義云

一曰分類比事屬辭春秋教也後世作史者莫能外邑志雖小亦當部居類列庶若網在綱有條不紊今分爲十四類如職方形勝建置典禮賦役鄉閭風物職官選舉兵防水利人物雜識藝文以十四類分爲若干卷於類之中又別爲節目若干條而以古蹟附形勝以積貯附賦役以存卹附典禮以保甲附鄉閭其他比類稱名各依其類以無失體要之義焉

二 江 東 二 示 卷 之 一  
一曰序次卷帙既編次第宜審夫星紀攸分疆域始定則職方固宜首列矣詳訂山川安流奠峙則形勝次之國有興立沿革相仍則建置次之城邑既作秩祀斯崇則典禮次之任土以作貢度地以居民觀風以問俗故次賦役次鄉閭次風物官師所以式一方縉紳所以型四境故次職官次選舉捍禦所以弭寇盜灌溉所以備水旱激勸所以勵人倫故次兵防次水利次人物而邑之可傳者具是矣他若軼事見於他說遺言可作箴規亦蒐羅所必及也故次以雜識名公卿遺澤之留賢士夫贈答之什亦經術之一助也故終以藝文閱者以序求之不有先後互相發明者乎

一曰取義彰善癉惡史家之法即史家之義也顧史備勸懲故

善惡兼舉志則意在表揚惟善是與非敢失實但節取而不  
槩其生平蓋十室之邑有忠信而薰德之後皆善良三河土  
瘠民淳人多自好苟聞風興起而蒸蒸向善則又司牧者之  
所深幸而非僅取善善欲長之義也

一曰闕疑列國之有志實與史書相表裏史以傳信非以傳疑  
也山川人物風土民情上備輶軒之採下供稽古之徵若僅  
憑故老之傳聞何以爲後人之考據洵邑向無傳志又無載  
籍可稽則名蒼而實創未能深考不敢訛以傳訛本郭公夏  
五之章也

一曰表微幽蘭不以無人而不芳貞士不以無知而改操洵邑  
山盤水駛風氣廉潔士固矜名而女亦多立節粵稽圖史所

三 江 東 志 卷 五  
載以及我朝之所褒崇類皆正氣清淑義烈動人下及蓬戶  
甕牖椎結竹釵雖里宅未表而懿德堪嘉察核不誣者莫不  
義取闡幽以昭褒勸亦劉子政范蔚宗之遺意云

一曰拾遺歷代正史會典一統志與夫金石刻之文薈而摺之  
固爲有典有則文獻可徵乃逸事遺言往往得之學士之筆  
談稗乘之紀載以及家譜私集有涉邑事者皆足供多識以  
備參考昔宋洪邁探遺事著隨筆壽皇閱而善之謂議論可  
裨治化故紀逸事於雜識大足以知勸戒小亦足以益見聞  
逸詩曰雖有絲麻無棄菅蒯信夫

一曰集說所聞異詞所傳聞又異詞年遠而事湮也不特稗史  
野乘燕談筆記固多異同卽史集中亦有彼此互異者故主

一說而衆說可廢則附以按語有集衆說而一說始明則援以旁通有一事而互見則各系其說於本條有兩說可並行則並載其書於本類昔衛正叔嘗纂禮記集說矣曰他人著書惟恐不出於己余此編惟恐不出於人竊附正叔之義以見言非臆造云

海昌陳景慎一氏識





三河縣志卷之一

職方志

星象應乎天疆域應乎地有象可稽即有域可紀王者仰觀俯察而職方氏之所掌不外乎是夫史家分天文地理爲二例而志或以星野名篇或以封域冠首竊以星有專主地有定域爲躔爲度即疆里所由分爲邑爲州即列宿所由屬言職方而觀文察理具在矣故博採經傳史集標而著之以爲敬天勤民者鑒志職方

星野

周禮總義析木燕之分星幽州之星土也

周禮注星土星所主土也析木屬燕地應鐘亥之氣也十月建

焉而辰在析木

月令章句自尾四度至斗六度謂之析木之次立冬小雪居之屬燕之分野

春秋左傳注箕斗之間有天漢故謂析木之津于十二次爲位在寅

春秋元命苞箕星散爲幽州分爲燕國昴畢間爲天街散爲冀州分爲趙國

爾雅析木謂之津箕斗之間漢津也

爾雅疏析木謂之津箕斗之間天漢津梁也又箕斗之次名孫炎曰析別水木以箕斗之間是天漢之津也劉炫謂天漢在箕斗二星間箕在東方木位斗在北方水位分析水木以箕星爲

隔須津梁以度故謂此次爲析木之津也不曰析水而曰析木者此次自南而盡北故依此次而名析木也郭璞云箕龍尾斗南斗天漢之津梁以東方七宿成龍形首南而尾北箕在蒼龍之末故云龍尾斗至南方即見故云南斗

史記天官書尾箕幽州

漢書地理志燕地尾箕分野也東有漁陽右北平西有上谷代郡南有涿郡范陽北及勃海之次皆燕分也自危四度至斗六度謂析木之次燕之分也

晉書天文志自尾十度至南斗十一度爲析木於辰在寅燕之分野屬幽州

隋書地理志冀州古堯都舜分州爲十二冀州析置幽并其於

天文自胃七度至畢十一度爲大梁屬冀州自尾十度至南斗十一度爲析木屬幽州自危十六度至奎四度爲媿訾屬并州準之星次本皆冀州之域

唐書天文志析木爲雲漢末派山河極焉故其分野自北河末派窮北紀之曲東北負海爲析木負海者以其雲漢之陰也尾箕析木津也初尾七度餘二千七百五十杪二十一少中箕五度終南斗八度應北平漁陽上谷等郡

遼史地理志析津本晉薊縣改薊北縣開泰元年更今名以燕分野旅寅爲析木之津故遼史國語解野旅寅野謂星野旅謂躔次寅者辰舍東方之位燕分析津之所也

元史歷志周天列宿度古用管闕今新制渾儀測用二線所測

度數分秒與古不同尾十九度一十分箕十度四十分尾三度一分一十五抄入析木之次辰在寅

步天歌尾九星如勾蒼龍尾箕四星形狀如簸箕

帝王世紀自尾十度至斗七度百三十五分而終曰析木之次於辰在寅謂之攝提格於律爲應鐘斗建在亥今燕分野

古今律歷考尾漢太初歷洛下閎所測十八度宋皇祐所測十九度崇寧所測十九度少元授時歷郭守敬所測十九度一十分箕太初歷一十度皇祐所測十度元豐所測十一度崇寧所測十度半授時所測十度四十分

地理通釋九州十二域或繫北斗或繫二十八宿或繫五星冀主樞此繫之北斗者也析木燕此繫之二十八宿者也辰星主

燕趙代此繫之五星者也

明史天文志涿通薊三州皆尾分

清類天文分野書通州三河武清尾二度

按分野之辨蓋天有十二次星辰之所躔地有十二辰王侯之所國分野者指列星所屬之分而言鄭康成所謂星之主土是也晉周蘇伯衡之論分野皆主此故有國在彼而星在此若不相配而其爲象未嘗不相屬先儒以爲古者受封之日歲星所在之辰其國屬焉然此可占休咎而非可槩星野也惟唐一行僧以兩戒分山河以斗爲綱雲漢爲紀箕尾爲地紀之窮居天之長而箕列天漢有津梁之義故上應天津而占箕尾其說近之顧鄭氏謂自尾至斗爲燕之分此特指冀州之大略而言若

州邑所入豈可以所起所終之度論哉州郡纏次曰漁陽八尾  
三度右北平八尾七度今洵邑東接漁陽西連北平證以明史  
天文志清類天文分野等書其爲尾度無疑矣

### 疆界

縣治在京都順天府正東東西廣七十里南北袤九十里東至  
段家嶺薊州界二十里至薊州治七十里南至彭家府香河縣  
界三十五里至香河縣治六十里

西至烟郊通州界五十里至烟郊行宮五十里至通州治七十  
里至京師順天府一百一十里

北至胡家營懷柔縣界五十五里至懷柔縣治一百三十五里  
東南至料馬庄寶坻縣界三十里寶坻縣治七十里



西南至窩頭廟通州界六十里

東北至撇山頭平谷縣界二十二里至平谷縣治四十里

西北至楊各庄順義縣界六十里至順義縣治九十里

西北至齊連庄密雲縣界六十五里至密雲縣治一百二十里

西北至大新庄行宮五十里

論曰山川精氣上爲列星此分星分野所由名也顧天之東西南北輪轉不定不必執地之方向一一相當唐嚴思善曰此地所分之星或即此地精氣所升如家人出外雖遠極四方而其家之患難休戚自與此人相屬斯言最爲得旨故首詳職方以見觀文察理乃爲政者之急務而其中又析爲二言星野可因躔度而知人事之得失言疆界可因幅員而知

治化之風行司牧者可不凜歟

三河縣志卷之二

形勝志

古者營邑必度山川亦以天地位而高卑陳山川聚而形勝固于以阜財用足衣食水土衍而民力溥也三河在京畿東環山帶水夙稱巖邑而車馬往來冠蓋相望又爲左輔極衝之地爲之考核山川備詳形勢庶爲司牧者知四境險易之宜衝僻之分而且斜陽古道立馬摩挲則古蹟美景又憑眺者所宜識及也志形勝

山川

廣輿記洵巖邑也居庸障其背洵泐襟其前山海扼其左紫荆控其右雄山高峙流河如帶

畿輔通志紀三河志曰山惟華惟靈水曰洳曰洵

靈山 縣北十五里明一通志靈山之麓三面有泉清冽可愛

華山 縣西北四十里

石城山

即兔耳山旁小山

縣西北四十里上有石城故名

按畿輔通志

稱石城山在縣北五十里蓋指縣極北境之石城山非即兔耳山旁小山也又拷搯山亦有荒基如石城形土人亦稱曰石城是石城山凡有三矣

盤龍山 縣西北五十里舊名旁立山建行宮後改新名

狼山 縣西北三十里

聖水山 縣西北三十五里明一統志山上有聖水泉可愈眼

疾長安客話三河縣西北山上有泉汲以洗目可療目疾因名  
聖水

陀山

即寶陀嶺

縣北六十里按名勝志畿輔通志皆作駝山水

經注五百溝水出駝山北東經緜城南入洵河

孤山 縣西五十里上有寶塔孤山廟畿輔通志四面平曠

一峯挺秀故名

馬鞍山 縣西北二十五里

鳳凰山 縣西北五十里

名勝志靈山華山聖水山駝山俱在縣北靈山去縣治十五里  
三面出泉居民以利灌溉形勝記所謂北倚靈山者是也又十  
五里爲華山一名兔耳山又十五里爲駝山即香河縣駱駝港

之源水繞駝山而出故名其地又有石城青梁諸山口按名勝

志里數俱不符

王魁山 縣西北五十里倚山庄名仍此

嶧山 縣東北五十里

清涼山 縣北五十里

蔣福山一作蔣府山 縣東二十里上有龍潭禱雨輒應按畿輔通志

作縣東北十五里

拷捲山 縣北三十里山前有靈巖寺又有硤堂寺

撇山頭 縣北十五里

堡子山 縣東十五里按邑有兩堡子山一在縣西北五十里

八里嶺 縣東十五里

齊家木 縣東十五里

段家嶺 縣東二十里官道旁

洵河 縣北二里許

洳河 縣東五里 按洳河即錯河一名七渡河又名黃頌水

小河 縣北十五里

鮑邱河 在縣西即白河之分流也亦曰潮河

不老澗 縣南四里 按諸河源流詳河渠不叙八

古蹟 附

洵邑古蹟希少然而故城舊館寶刹名莊雖世遠代湮而片石常留故址尙在與夫名人選勝逸士尋幽百世而下有誇爲盛事者乃知地以人重而室惟德馨也附識山川後以俟覽古者

探焉

古城 縣東三里洵邑之舊城也

方輿紀要臨洵城石趙所置亦曰臨渠城晉永和六年慕容霸伐趙收安樂北平兵糧與其主雋會于臨渠即此城也後魏廢水經注洵河一名渠河東逕臨洵城北屈而歷其城東

城邑考舊城在今縣東三里洵河南畿輔通志故城在三河縣東南石趙築城于此

緜城 縣西北三十里相傳元耶律英公城水經注洵河南逕緜城東而南合五百溝水

唐會莊 在靈山北屯政考縣多曠土宜耕屯有唐會莊爲昔時墾植之址

夏澤 在三河縣西水經注鮑邱水南流逕潞城南又東南入夏澤澤南紆曲渚一十餘里北佩謙澤渺望無垠今考三河縣古潞縣地縣西三十里名夏店舊有驛鮑邱水環其下疑夏店之名因古夏澤其東彌望皆陂澤與水經注合

五槐公館 在縣西三十里夏店舊有驛今廢

舍利塿 在縣西門外金正隆元年顯武將軍孟勝建傳藏佛牙舍利子於內高十三級康熙十八年地震頂簷四墜層級難分而塿身岐立如故

鏡兒淀 在蔣福山居環山之中有水時積水一泓下有滲泉登盤谷諸峯俯觀如鏡水涸則居民耕之

古馬房 在馬房莊北爲遼金元明牧圉之所至今基址猶存



無櫟閣 在焦園東山之麓疊石成塔不施櫟木三殿皆然

石城 在兔耳山頂周圍砌石爲城不知始於何年

遼章宗陵 縣北五十五里舊志云前有兩小山並峙上有播

鼓臺並載明一統志及國朝纂修畿輔通志按顧炎武曰考遼

無章宗其一代諸帝亦無葬三河者景遍訪境內無址可考但

舊志相沿未便薙芟姑識之以俟博洽者

錯橋 縣東五里一名草橋今圯

### 八景附

三河潞水西環盤山東拱衆流交會於南羣峯聯峙於北旣翠  
嶺以競翠復蕩漾而爭奇疆土寬平泉石鍾山川之秀閭閻繁  
聚旗民樂耕鑿之天用詳八景以表名區

靈泉漱玉 靈山之麓三面有泉或從石竇或自沙垠積流成溪居人導入陂田巔卓浮圖腰藏梵宇凭軒遠眺惟見野橋村落掩映層林瓜圃蔬畦紆迴曲澗恍如身在畫圖中也

聖水流丹 泉在巖山幽谷從洞中石乳滴下縷注澄潭僅供數人之汲雖盛夏不涸其性清冷其味甘冽相傳能愈目疾云  
陀嶺春雲 縣北重山綿亘百餘里嵐氣上蒸蔚蔚成雲若屏若障森列半空不可名狀春時遇雨則峯巒半隱遇晴則巖岫分明居民覘此以下耕耘之候

月池秋鷺 縣北胡家橋有水渟泓可半頃其形如月菰蒲菱芡交橫掩映至秋則鷗鷺羣飛下上以適其性焉

七渡晴瀾 城東五里錯河之官渡在焉水遠流長錦鱗游泳

三  
江  
集  
卷  
一  
名  
一  
當夫天氣晴明微風澹蕩釣叟適垂綸之興行人欣一葦之杭  
雲影波光四望皆成勝槩也

孤山挺秀 山自平地拔立突聳一巒旁無附麗上有浮圖數  
仞登臨四顧平原曠野阡陌如繡遙指盤山白塢諸峯及靈山  
寶塢參差對峙

北免歸樵 縣北有山形如兔耳其上林木深蔚其下村舍環  
居雖樵牧不盡在此山而必由此爲歸村之徑石勢峻嶒山岬  
屈曲當夕陽西墜清風徐來樵歌下上與巖之聲相應

南塘落鴈 邑南積水數十頃下通錯河一名不老淀土人呼  
爲南港其中洲渚多生紅蓼青莎因塘面遼闊繪繳不施鴻鴈  
飛鳴聲聞數里之外

論曰山川爲都邑之表故雄鎮巨澤紀之職方望景觀泉形之  
篇什凡以表厥勝也三河阻山帶河疇平野闊其形勝有足觀  
者更邀宸蹕常臨行宮鞏建輪蹄輻輳冠蓋交馳誠左輔之通  
衢東道之勝境也若夫春雨草堂興懷杜甫秋風五柳恍遇陶  
潛懷古者低回留之不能去豈僅如宋迪之圖八景作平遠觀  
已哉



三河縣志卷之三

建置志

國有與立建置必詳古者建邦啓土各有命名之不同隸屬之互異分併之各殊潞縣臨洵臨渠三河命名之不同也郡道路省州府隸屬之互異也白漢迄明以逮皇朝分併之各殊也舊志略載城池而歷朝分析沿革未及何以考質今詳稽細覈縷而分之綴而合之後之蒞斯土者按籍而稽庶幾瞭然心目云

志建置

沿革

郡縣釋名三河以地近七渡鮑邱臨洵三水按漢以前邑名無可考設邑自漢潞縣始潞縣即今通州也至唐始分析臨洵後

更置三河故探史自新唐書始其自前漢書以至隋書所載州郡都邑不復摭拾云

新唐書武德二年析潞縣置臨洵貞觀元年省臨洵併薊州開元四年更置三河縣

顧炎武曰明一統志云三河漢臨洵地考漢漁陽郡轄縣有潞無臨洵唐書范陽郡潞縣下云唐武德二年置臨洵縣貞觀元年省入薊州漁陽郡三河下云開元四年析潞縣置故知本是潞縣先分爲臨洵後分爲三河皆自唐非漢也按清類天文分野書三河本漢臨洵縣地明一統志遂悞引之

太平寰宇記三河縣初置屬幽州開元十八年改隸薊州按唐乾寧中爲劉仁恭地僭稱燕李存勗遣周德威滅之爲後唐同

光中命趙德均鎮其地後石晉割燕雲十六州賂契丹地入遼  
遼史地理志開泰元年置幽都府漁陽縣三河縣玉田縣隸薊  
州屬南京道後改幽都爲析津

按遼爲金所滅金天輔七年爲宋宣和五年金遣楊璞以燕京  
六州之地歸宋宜和七年仍入金

金史地理志貞元元年改燕爲中都大興府天會七年屬河北  
東路三河隸通州

元史地理志至元二十一年置大都路直隸中書省領州十州  
領縣二十六通州領潞縣三河

清類天文分野書金元並屬通州

明史太祖實錄洪武元年改大都路爲北平府成祖實錄永樂



元年改北平府爲順天府

明史地理志順天府領州五縣二十二以三河武清灤縣寶坻屬通州國朝順天府轄州六縣二十三河隸焉其各州縣分屬霸昌通永二道按舊分三河武清寶坻隸通州屬通永道雍正四年以通永道專司河務以通州三河等州縣並屬霸昌道九年改寶坻縣之梁城爲寧河縣十二年仍以通州三河等七州縣分屬通永道

畿輔通志三河漢潞縣地唐武德二年析置臨洵屬元州貞觀初廢景龍二年改臨洵置三河開元四年析潞縣置三河縣屬幽州十八年改薊州五代初廢後唐長興三年復置三河晉天福中入于遼屬薊州尙武軍保大末入于金尋入宋宣和五年

屬廣川郡七年仍入金天德三年升潞縣爲通州以三河隸焉  
元屬大都路明屬順天府通州洪武十年省平谷縣入三河十  
三年仍設平谷屬薊州

按堯建幽都禹奠冀州虞書肇十有二州于冀分幽并于青分  
營此屬幽州之域商有幽營而無并周有幽并而無營職方所  
司呂覽所載皆屬幽州此虞夏殷周之沿革也秦分四十郡爲  
上谷郡漢立十三州仍改幽州始置潞縣晉爲燕國魏號漁陽  
以後石勒符堅慕容氏互相據奪爲趙爲秦爲前後燕至隋而  
改涿郡此秦漢五代之沿革也唐分天下爲十道尋增爲十五  
道析潞縣爲臨洵亦曰臨渠開元間始有三河之名隸河北道  
唐末劉仁恭帥燕爲其子守光據地僭稱燕後唐同光中以趙

德均鎮其地民咸賴之自石晉以燕薊十六州遺遼遂改燕京  
宋宣和三年同金滅遼地入于宋七年仍爲金有隸大都路此  
則漢唐五代宋遼金之沿革也元置大都路總管府行中書省  
凡十州三河縣通州明克元都詔改北平永樂十九年都北京  
改順天府轄州六三河亦隸通州此則元明之沿革也我朝定  
鼎建都統一萬方三河始屬通州後屬順天府始轄霸昌道後  
仍轄通永道一切刑錢事宜俱由東路督捕分府核轉法制相  
維區畫盡善雖一官一邑具見聖德之所廣運云

### 城池

城邑考舊城在今縣東三里洵河南建于石趙廢于後魏今三  
河城即趙德均所置城方六里濠闊三丈深半之按名勝志亦

以縣城剏于後唐明宗但云方六里非

五代史後唐李存勗拔燕以趙德均鎮幽州爲節度使苦遼數  
侵掠乃城三河而成之

通鑑後唐長興三年趙德均爲節度使於幽州東北百餘里城  
三河縣以通薊州運道契丹來爭德均擊却之九月朔城三河  
畢邊人賴之

三河舊城在縣東洵河之南被水衝廢後唐明宗長興三年盧  
龍節度使趙德均改置今城城方四里內築土基外砌磚石高  
二丈闊二丈四面凡九百六十餘丈堦口凡一千三百餘門樓  
四座水門二濠闊三丈深半之明嘉靖二十九年知縣張仁修  
理增高五尺四十二年知縣劉文彬復增高五尺巡方房御史

三河縣志 卷二  
按三河鄉官蕭九峯喬伊極陳城垣底簿即奏請帑金一千兩  
動支撫按存庫銀一千二百兩大加修輯隆慶三年知縣張綸  
增置角樓敵臺皇清康熙十八年地震知縣任塾重修

三十年知縣張鼎捐俸修城四面完固

雍正五年贊善彭廷訓奉旨謹修完固

雍正十年知縣林廷璧詳明院憲題額城門東曰就日南曰來  
薰西曰瞻雲北曰承恩

乾隆三年知縣唐續祖領帑重修

乾隆九年知縣陳基領帑重修

乾隆十七年知縣薛如春領帑重修

乾隆二十二年知縣陳榮因城垣日久多有剝落稟明上憲修

東面十五丈西面南面二十九丈

### 學校

化民成俗端必由學我朝敬教明倫泮林芹藻振古文明况三河密邇首善樂育薰陶尤近作人之化今歷叙廟制學制學政見造士之法燦然明備焉

### 廟制

學在縣治西南金太和間始建明宣德間重修前為櫺星門外

東為德配天地坊西為道貫古今坊中為戟門三楹宋建隆元年詔廟門

准議立戟十六枝政和元年增為三十四戟故名今易為廟門東為名宦祠西為鄉賢

祠前為泮池池上墜壁為橋內為大成殿五間周砌月臺東西

為兩廡各五楹

啓聖祠在明倫堂東明嘉靖十年建於雍正二年追封王爵改爲崇聖祠內供奉至聖五代木主

文昌閣舊廢今建爲文昌祠

奎星樓舊廢乾隆十一年知縣熊繹祖因舊址重建並設圍墻大門

先師殿匾額康熙三十年御題萬世師表雍正四年御題生民未有乾隆三年御題與天地參

### 學制

正殿後爲由甬道門東西兩角門內爲明倫堂金泰和間知縣蒲察建元知縣劉鐸改爲講堂後易爲明倫堂康熙三十八年知縣陳廷栢重建內壁嵌御製臥碑一面供大遼臥碑一面康

熙四十一年欽定條約臥碑一面東西設錄功記過二壁閣贊善

彭廷訓書明倫堂匾額直隸學政吳應棻書萬古綱常額東為進德齋西為修業齋後為敬

一亭外立明嘉靖五年頒敬一箴碑內壁嵌程子視聽言動四

### 箴石刻

### 修建

舊志元至正戊子教諭劉元皓修建文廟明正統間重修儒學

明宣德年間重修兩廡皇清康熙十三年知縣任塾重修學宮

二十一年知縣余學昌於地震後重修先師殿伍間二十九年

知縣彭鵬重修學宮三十八年知縣陳廷栢重修明倫堂東西

齋東西耳房敬一亭由道門兩角門月臺甬道俱備康熙四十

四年知縣鄭富民重修正殿五間四配十哲造龕四座廟後繚



以花墻旁啓兩門以通出入至明倫堂周垣皆修葺無缺

### 學政

廩膳生員額制二十名增廣生員額制二十名附學生員無額  
數武生無額數歲貢二年一貢歲科試取文章十二名爲附學  
生員歲試取武童十二名爲武生康熙五十四年增取文章三  
名爲十五名

畿輔通志康熙五十四年以直隸人文日盛增廣學額州縣衛  
中學各增三名

乾隆二十三年知縣陳景以三河流寓世居斯土限于丁冊無  
名投考屢遭攻擊謹援流寓住居三十年無籍可歸准其該地  
考試之例詳明學院批准復從諸生公請勒石蠻宮以杜積弊

書籍

康熙六十一年至雍正七年頒發上諭六部雍正八年至十三年頒發上諭五部日講四書解義一部春秋傳說彙纂一部書經傳說彙纂一部詩經傳說彙纂一部吏部品級考一部性理三部四書講義六部明史一部畿輔通志一部學政全書一本欽定四書文一部相見儀注一本上諭共七本聖諭廣訓一本朱子全書一部康熙字典一部周易折衷三部詩經二部春秋二部書經二部資治綱目二部新則例一部續編綱目一部上諭滿漢內外文職潔已奉公二本嚴行處分提調條例一本二十五年三禮一部

碑記

元至正十年創建兩廡碑記

泰定元年加大成至聖文宣王碑記

明崇禎十年重修儒學碑記

皇清康熙十六年重修儒學碑記

康熙二十九年學宮告成碑記二座

在文昌祠前  
在戟門東

公廡

教諭宅八間 訓導宅十二間

射圃在明倫堂西

社義學

舊志社學書舍五楹在學宮啓聖王祠東康熙二十八年知縣彭

鵬建今廢

畿輔通志三河義學一在城西街一在南關一在夏店東一在南店康熙五十四年建一在段家嶺雍正七年建

乾隆二十四年知縣陳景以義學久廢復設于縣治東彭公祠內延師課城鄉無力讀書者

### 學田

南港地十三頃四十畝四分二釐坐落不老淀旱澇不常所交租銀以爲修理文廟之用

社學田二頃五十五畝五分爲義學膏火坐落本縣正北忠二鄉二保果各莊東北路信二鄉頭保芮家營租糧載坊市社十甲內康熙二十九年知縣彭鵬置有碑記在名宦祠旁

泗河淤地四十八畝乾隆年間知縣薛如春詳明歸入義學以

資膏火

按建國君民教學爲先學校綦首重矣而古者黨庠術序皆有鄉學亦以師道立而善人多此宋時建立書院亦古者立鄉學之遺意也三河山水蔚深士風淳厚苟春誦夏弦日事薰陶行見人文鵠起不惟洵水一邑之榮已也

行宮

一在烟郊乾隆二十年移址向南十六丈重建內營房設立滿洲官兵看守外營房設立經制外委一員兵八名看守官房三間兵每名房二間共十九間

一在大新莊乾隆十九年將盤龍山舊制移建前石橋一座西石橋一座東木橋一座

內營房設立滿洲官兵看守外營房設立經制外委一員兵八名看守官房三間兵每名房二間共房十九間

漢員經制外委年表總列兵防志內不重叙滿員係各設委署千總一員其各員名姓陞調期日隸盤山總管不贅叙

### 公署

縣治明洪武初建在城西北隅正統間重修中爲牧愛堂東爲典史廳西爲財賦庫後堂爲知縣住宅東爲縣丞宅縣丞裁主簿居之主簿裁典史居之典史廳南東面爲吏戶禮承發司架閣庫儀仗房財賦庫南西面爲兵刑工馬政科舖長司房大堂前建聖諭坊前爲儀門門東爲軍賦堂爲糧局爲神器庫爲土地祠門西爲禁獄前爲大門上有譙樓大門外爲申明堂西爲

旌善亭萬歷十二年知縣王自謹重建土地祠馬神廟殿神共  
三楹監獄房十間嘉靖四十五年知縣崔輿重建大門譙樓寅  
賓館此舊制也皇清康熙十八年地震俱圯無存知縣任塾重  
修公廨二十五年知縣彭鵬建馬神廟於署西三十年知縣張  
鼎建土地祠共三楹於署東南三十二年知縣張朝琮建倉房  
六間監房六間三十九年知縣鄭富民建科房六間乾隆十一  
年知縣熊繹祖重建東西科房十間班房四間儀門一間角門  
二間牌坊一座甬道月臺並署內土地祠

倉廩

舊志預備倉在縣治西軍儲倉草廠在縣治東北俱廢雍正八  
年知縣唐續祖建天字瓦廩六間地字瓦廩六間人字瓦廩六

間乾隆元年知縣唐續祖建裕字土廩六間恒字土廩三間更  
房一間大門一間

倉神廟一間

額設倉斗級四名

乾隆二十二年知縣陳景俱自行重修二十五年修舊瓦廩九  
間二十二年重造裕字土廩六間頭門一間二十四年重造恒  
字土廩三間豐字土廩二間

按在官言官在府言府官府之地公署著焉署者位之表也位  
乎此以審諸政率衆職蒞庶民非直爲觀美已也三河公署堂  
垣備建倉獄重修歷叙規制官斯邑者弗以傳舍視之庶于民  
有益哉



### 朝鮮賓館

邑內舊有朝鮮館係康熙五十一年價買民修房建年久傾圮僅存基址前任將木植磚瓦等物變價銀一百兩七錢四分貯庫以爲建造添用乾隆二十四年知縣陳景捐俸置買西街民房一所價四百兩除將木植銀一百兩七錢四分并原館空基變價二十兩共銀一百二十七兩七錢四分抵補外餘皆捐銀契置又鳩工修理詳明各憲以爲朝鮮貢使賓館計前後三進兩廂共瓦房十五間土房二十八間馬棚四間下連基地東西寬八丈二尺南北長二十五丈

### 壇廟

風雲雷雨壇 在縣南門外

山川社稷壇 在縣北門外

八蜡廟 舊在社稷壇康熙五十三年知縣李長華典史曹文炳奉旨建於南店張相公廟內前殿中供劉猛將軍及八蜡神像乾隆五年知縣彭萼采重修乾隆十一年知縣熊繹祖又修制度始備

按降靈錄劉猛將軍名承忠吳川人元末授指揮弱冠臨戎兵不血刃盜皆竄適江淮千里飛蝗遍野揮劍追逐須臾蝗飛境外後因鼎革自沉於河有司奏請立廟授猛將軍

邑厲壇 在縣北門外

馬神廟 在驛內

土地祠 在縣署頭門旁前三楹中供關帝左財神科神右土

地後一楹供關帝三代乾隆年間知縣熊繹祖重修但地湫隘  
乾隆二十一年知縣陳景敬移請 關帝三代於東街關帝廟  
後殿移請土地於後楹復用價二十八兩置買祠東臨街土房  
四間草房四間北廂土房二間南偏厦土房二間共十二間召  
人租賃作看祠人工食

關帝廟 在城內東街三代供後殿前有戲樓

城隍廟 在縣治西南

獄神廟 在監內

先農壇 在城東郊雍正四年建額設農夫二名

倉神廟 在倉內

火神廟 在南門甕城內

張大明王廟 在南店八蜡廟後

忠義祠 在學宮東

節孝祠

在倉前外碑坊一座

以上忠節二祠俱雍正二年建

彭公祠

在縣治東祀本廟康熙年間知縣彭鵬

按壇壝廟宇載在秩祀者實有靈德以庇我邦人祈禳報賽昭答如響地而壇屋而廟豈叢祀中無名之土木比耶神聽惟聰主祭者所當兢兢致慎焉

### 關局

一在胡家營

畿輔通志誌關隘云在縣北五十里與密雲縣

交界

按本境胡家營與懷柔縣交界並非密雲今廢

三  
一在夏店 畿輔通志誌關隘云在縣西三十里

按舊志明初置泥窪舖巡司掌之後移此今裁

一在南店 畿輔通志誌關隘云在縣南門外三里

舊志東自遼海西至京師居民行客往來咸萃本朝設天津鈔  
關於此其額徵稅銀歸天津鹽院

論曰邑之規模視乎建置建置備而規模遠矣詳沿革以明邑  
之所由名首城池以見邑之所由肇學校爲興賢育才之地行  
宮爲翠華臨駐之區公署爲發政行令之堂至若倉廩以裕民  
食賓館以柔遠人致神則有壇社通商則有關津皆建置之大  
者故例得並書

三河縣志卷之四

典禮志

先王化民成俗非禮不行典禮昭垂所該甚廣而慶賀以昭臣節頒歷以重民事餘如鄉飲讀法諸禮載在會典煌煌可考也至於成民致力聿嚴祀典美報昭矣若普濟留養義塚之設養生送死蕃息生民皆司牧者所有事也附誌於後以廣皇仁志典禮

禮儀

朝賀元旦冬至各令節闔城滿漢文武官穿朝服五鼓齊集東南街萬壽寺拜牌行三跪九叩首禮前後共穿蟒袍七日恭遇皇上萬壽皇太后萬壽闔城滿漢文武官行朝賀禮如前恭遇

聖駕經臨滿漢文武官穿朝服恭赴邑境交界處跪接跪送不行叩首禮恭遇恩詔下頒滿漢文武官穿朝服出郭遠迎龍亭儀仗鼓樂前導至萬壽寺行三跪九叩首禮恩詔經過文武各官穿朝服出郭西跪接郭東跪送恩詔至公館文武各官穿朝服至詔書前行三跪九叩首禮

頒朔

每遇本府尹頒發新憲書五本即頒送僚屬外動用額設銀三兩置買憲書散給駐防並各紳有差

迎春

歲之立春前一日縣尹穿朝服率僚屬迎春於東郊祭拜芒神春牛行一跪三叩首禮回供於縣大門東側次日按立春時刻

祭拜如前執綵鞭赴春牛前一揖鞭牛三匝復一揖僚屬如之  
鄉飲酒禮

鄉飲定例於正月望十月朔在明倫堂舉行縣尹爲主以禮敦  
請致仕鄉紳爲大賓以年高有德士人爲介賓以年高淳民爲  
耆賓以教諭訓導爲司正司訓位於主官之右僚屬位於簷下  
以廩膳生員讀誥以老成生員贊禮正北設香案懸誥命揚鱣  
文考鐘鼓讀誥律畢司正揚鱣主官告奠奏樂升歌樂奏南陔  
白華華黍詩歌鹿鳴之三樂奏由儀詩歌南山之三樂奏由庚  
詩歌菁莪之三畢樂奏關雎鵲巢又奏葛覃采芣又奏卷耳采  
蘋畢賓主在月臺望闕謝恩行三跪九叩首禮畢鼓樂送賓而  
散



揚鱣文附

司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生

律令附

凡鄉飲酒禮序長幼論賢良別奸頑年高有德者居上高年淳篤者並之有違法者不得與良善之席坐有誼譁失禮者揚鱣者以禮責之

賓興

鄉試時縣尹搭橋甬道設宴公堂應試諸生至奏樂宴畢度橋簪花備道里卷資送至儀門外即周禮所謂以鄉三物教萬民

而賓興之仿其遺意也

### 鄉約

本朝頒聖諭十六條縣尹選耆碩爲正副鄉約每朔望日縣尹公服率僚屬蒞講所龍亭前行三跪九叩首禮反覆宣揚勸戒凡鄉社之民環立拱聽即周禮月吉讀法之遺意也

### 採護

每遇日月蝕本府尹行文到縣至期縣尹率僚屬擊鼓三聲採護於大堂前列香案供圖於上陰陽生報初虧行一跪三叩首禮僧道奏樂不絕各官環走三匝即古者伐鼓用牲於社之意再報食甚環走如初生光亦如之復圓行禮如初日食用朝服月食常服

上 任

上任之前一日齋宿公所次早穿朝服進東門祭城門行一跪  
三叩首禮至縣治祭儀門行一跪三叩首禮望闕謝恩行三跪  
九叩首禮拜印行三跪九叩首禮進署吏蟒袍拜竈行一跪三  
叩首禮升堂僚屬吏胥參謁次日謁文廟行香行三跪九叩首  
禮崇聖祠行兩跪六叩首禮文昌祠城隍廟八蜡廟俱行一跪  
三叩首禮關帝廟行三跪九叩首禮倉神馬神獄神廟土地祠  
俱行一跪三叩首禮明洪武十七年勅每月朔望郡縣長吏詣  
學行香本朝因之關帝廟城隍廟亦一體行香

送 學

每遇歲科試後縣尹傳齊新進諸生穿公服赴縣行庭參禮飲

酒三盃鼓樂前導縣尹送至儒學詣至聖殿前行三跪九叩首  
禮至明倫堂縣尹位西教諭訓導位東行五揖四拜禮縣尹轉  
東位教官轉西位行交拜禮畢令諸生向教諭訓導行五揖四  
拜禮諸生復向縣尹行五揖四拜禮凡諸生揖縣尹  
教官俱答禮畢鼓樂安  
坐宴畢教官送縣尹上轎諸生送至儒學大門外右首揖候轎  
過而退

按先王緣情制禮因性作儀其禮儀之煩簡一準於情之隆殺  
故得性之和况職列冠裳而爲一方士民之表率乎謹依會典  
備錄之守土者弗視爲具文而以敬行禮斯可矣

### 祭祀

丁祭仲春仲秋上旬丁日丁屬火取文明之義至聖先師歷代

追封大成至聖文宣王塑像袞冕祭用羊鹿豕籩豆簠簋爵斝  
筐幣籩加十二樂用八份嘉靖辛卯輔臣張璁議撤像易以木  
主尊為至聖先師祭用籩豆各八舞用六份顏曾以下從祀者  
咸改公侯題曰先賢某先儒某每逢春秋上丁日致祭

縣尹各官前三日齋戒前一晚率僚屬視牲告潔至日五鼓教  
官先祭崇聖祠畢主祭官分祭官陪祭文武各官俱穿朝服文  
東武西各依班次行禮知縣正獻行三獻禮樂用六份教官典  
史分獻行一獻禮獻畢復位行禮送神揖望燎先一日宰牲為  
醢毛血用盆盛貯臨祭瘞埋蓋取毛以告全取血以告幽也皇  
清雍正二年設佾舞三十六人四年復用太牢

祭品

太牢 羊豕各一俎 雲雷象犧尊各一獻 太羹一登  
和羹二酬 黍稷二簋 稻粱二簋 菱栗芡榛棗醢膏

魚鹿脯八簋 醢鹿 醢兔 醢魚 醢豚 韭 菹 笋 菹 菁  
菹 芹 菹 八豆 爵三 用勺以挹酒 帛一筐

明英宗命祭品非其土產以所產代之

崇聖祠 雍正元年進封

先師五代崇以王爵奉祀 肇聖王

裕聖王 詒聖王 昌聖王 啓聖王

以四配之考配祀從祀者以周程張朱蔡五先賢陳設與上同

惟少太牢一俎太羹一登

四配十哲兩廡從祀以次而少殺

名宦鄉賢兩祠

豕一 帛一 爵三 兼用果品

文昌祠 祭品同上縣尹於祭

至聖後率僚屬詣祠致祭

按文廟祀漢晉及隋或稱先師或稱先聖或稱宣尼宣文唐諡  
文宣王宋加至聖號元復加大成號明史洪武元年二月詔以  
太牢祀孔子于國學定制每歲仲春仲秋上丁日四年禮部定  
儀注改初制籩豆之八爲十籩用竹其簋登礪及豆初用木  
者悉易以盜牲易以熟樂生六十人舞生四十八人引舞二人  
又詔天下通祀孔子凡府州縣學籩豆以八器物牲牢皆殺正  
國學景帝增兩廡祭品品宗增八佾籩豆各十二孝宗釋奠用  
太牢加幣世宗嘉靖九年宰臣張璁言孔子宜稱先聖先師不  
稱王祀宇宜稱廟不稱殿祀用木玉易塑像籩豆用十樂用六  
佾天下各學八籩八豆舞止六佾牲用少牢本朝復用太牢餘  
儀因之

戊祭仲春秋上旬戊日戊屬土取祈報之義

社稷壇

山川風雲雷雨壇 奉城隍牌位在壇內

祭品 羊一 豕一 非菹 醯一 醢一 帛十五 爵十五 棗栗 鹽膏 魚各四 籩

二簋

乾隆二年奉上諭府州縣地方凡遇戊祭日期如有提鎮道員

各按品級分東西兩班行禮陪祭

八蜡廟祀

先嗇 司農 貓虎 水防 郵表 昆蟲

祭品 豕一 爵一 帛一

城隍廟清明日七月望十月朔三祀

祭品 豕一 爵一 羊一 帛一



土地祠

在署內

祭品同

馬神廟

在驛內

祭品

羊一 爵一 帛一

獄神廟

祭品

豕一 爵一 帛三

奎星樓

祭品同

忠義祠

祭品

豕一 爵一 帛三

節孝祠

祭品同

關帝廟每歲春秋奉文頒發吉日及五月十三日共三祭

祭品

太牢 羊豕各一 俎果 品四 爵三 帛三

關聖三代雍正三年追封公爵崇祀

光昭公

裕昌公

成忠公

祭祀日期同前

祭品

豕三 爵四 羊一 果三 帛三

先農壇每歲仲春奉文於亥日致祭畢舉行耕籍禮

祭品

豕一 羊一 鷄魚肉脯四簋 果品  
四豆 湯飯簋各二 爵三 帛三

耕籍時縣尹穿蟒袍詣籍田農夫牽牛耆老播種印官扶犁九

推各官俱九推撤犁

雍正十三年奉旨致祭先農令該地方正印官承祭外其大小

各武職官各按品級分班行禮

乾隆八年奉文行常雩禮每歲照憲頒吉日奉社稷山川先農

雷雨五案供於山川壇合祀

祭品

羊五 俎五 果品五 素供五 爵五 帛五

邑厲壇 每歲清明七月十五日十月朔日祭無祀鬼神於本

城北郊迎請城隍主壇

祭城隍

豕一 羊一 果品四 素供五 爵一 其按入學釋  
無祀鬼神用僧道誦經至素供酒飯隨用

菜典有獨隆我朝尊師重道封五代設太牢增樂舞故詳考禮  
制冠諸卷首他若壇壝廟祀所以捍一方福兆民者毋曰幽漠  
實式憑焉祀典所謂遵國制達民情也司祭者可稍忽歟

卹典附

養濟院 按宋謂之居養濟院元謂之孤老院明謂之養濟院

舊志在縣治東南隅今址無考乾隆五年知縣彭寧采在治東  
土地祠旁置房四間

乾隆二十二年知縣陳景以逼近祠宇孤貧作踐非所以昭誠  
敬移置城南構土房五間收邑之孤貧無告者每月給米薪歲  
給冬衣布花銀兩死施棺木

## 留養局

乾隆二十三年奉總督部院方題請直隸各屬設留養局冬月留養貧民春融散遣其有篤疾及年過七十者常留在局通計一百四十州縣衛設局五百六十一處三河設局三一在南店房三間距城一里一在夏店房二間城西三十里一在段家嶺房四間城東二十里乾隆十八年署知縣師友尙奉文勸輸銀百兩商領營息月息一分五釐歲收息銀三十六兩

### 謹附總督部院方頒立局規

一籌經費銀有官捐者有士商樂輸者有裁無益之費改充者有官物撥入者皆交殷商營運收其子息地畝有價置者有捐施者有官地撥入者有召墾畸零成熟者或賃租收息或寺僧

三 江 縣 志 卷 四  
自種以資米薪之用

一建局房有購地新建者有官房改設者有依寺廟賃借另別門戶者或賃借或建設門立木牌大書留養局三字有瘡瘍者異處婦人異室

一給衣被交冬人給一襖二三人共一被病及六十以上者給棉袴袴有餘則以次遍歲須新製勿令短薄

一收養期始十月朔如年寒歲歉則於九月望開局至二月止春寒則展至三月望去日量給數日錢米有殘疾不願去者仍准留局

一收養費每日大口給米八合小口四合十歲以下爲小口乳孩不給大口日給薪菜錢四文單身者五文聽自食如聚至數

十百人則煮粥日二次

一經理人或鄉耆衿監或寺僧或本處鹽當商惟誠實能事者任之

一備醫藥歲製寸金丹萬應丸之類存局備用一棺埋在局病故者官給棺一具埋於義塚如收養人多預製備用

### 漏澤園

漏澤之設肇自有宋神宗可陳向之奏建以葬民之死而無塋者本朝因之園在邑厲壇後

### 義塚

塚地八畝在南店東大道旁立有石碣一座

東至胡地  
南至道  
西至李旗地  
北至喬旗地

三 江 縣 志 卷 四  
雍正七年知縣林奕繩捐銀十兩置買凡死而無歸者許其瘞埋

又塚地一畝在南店張大明王廟後康熙年間越人所置凡浙紹流寓死而待歸故土者許其浮厝孤獨無嗣者許其埋葬

按鰥寡孤獨窮民無告西岐惠鮮之政所首及也范忠宣趙清獻惠養窮黎活衆歲以萬計史冊皆艷稱之我國家斟酌前代之宜雖一邑之小設養濟以恤其疾苦設漏澤以妥其孤魂此眞嗣美周文而制府復體皇上好生之心無一夫不得其所即一邑之留養局亦必究心經度永垂良法爲令牧者可不實心經理歟

論曰禮嚴上下制行之原百度之禮儀卒獲民志定矣羣祀之

俎豆靡忒神聽聰矣至卹典則賑窮補困尤爲發政施仁所必  
先者固司牧者所宜加意也故連類及之以見幽明上下無不  
以至誠動物而天下固無一失所之人焉





三河縣志卷之五

賦役志

則壤定式田賦所由興登版籍民戶役所由起古者取民原有粟米布縷力役後世易以和庸調而用一緩二足徵取下有制之規我皇朝深仁厚澤減賦寬徭百年來戶口日繁生殖浸盛治平之富庶於今爲極茲本國家賦役全書地畝額徵俱準則例支解存留瞭如指掌至驛站尤爲直省要務因革損益至爲盡善志賦役

戶丁

一原額自節年奉文編審營衛歸縣人丁一千二百三十六丁  
下上則人丁每丁徵銀六錢

下中則人丁每丁徵銀四錢

下下則人丁每丁徵銀二錢

又康熙二十七年歸併入縣者彭城衛人丁一百三十六丁金吾左衛人丁二十二丁燕山右衛人丁五十九丁

上則人丁每丁徵銀三錢

中則人丁每丁徵銀二錢

下則人丁每丁徵銀一錢

通共人丁一千四百五十三丁各則徵銀不等共徵丁糧銀三百七十六兩七錢雍正二年奉文攤入地糧徵收盛世滋生免賦餘丁共二百八十九丁乾隆二十一年編審餘丁四十四丁內除頂補行差併老亡人丁二十七丁外實共免賦餘丁三百

零六丁 按王制縣尹歷十年一籍其民上之天府以觀師牧之  
政三河丁賦如昔生齒日繁雖隸籍者千有餘丁而本城四鄉  
林林總總滋生日盛非聖世旒旐安集之效歟

### 田賦

#### 地畝額徵

原額民地六千四百一十二頃六十九畝七釐七毫五絲六忽  
內除無主荒地外實地六千三百二十七頃七十四畝九分九  
釐四毫共徵銀一萬四千九百三十兩三錢二分五釐九毫八  
絲三忽四微三纖零每畝增徵芝蔴棉花胖衣銀一毫九絲二  
忽零共銀一百二十一兩六錢六分一釐二毫四絲九忽遇閏  
每畝徵銀一釐一毫一絲一忽零共加徵閏銀七百零三兩三

錢九分二釐六毫八絲三忽零通共徵正閏銀一萬五千七百五十五兩三錢七分九釐九毫一絲六忽零每畝額徵黑豆一升一合三勺共徵黑豆七千一百五十石三斗五升七合零又額外宮勳地二千二百三十一頃四十九畝六分六釐九毫三絲四忽又六馬房籽粒地一千八十四頃九十二畝六釐九毫又御馬監五馬房地七百五十七頃一十五畝一分養贍地七十四頃四十四畝五分六釐備荒地二頃七十四畝

自順治元二三年至康熙五年圈丈投充外一清查出地二十頃七十一畝六分三釐每畝徵銀不等共徵銀五十兩七錢四分一釐一毫四絲二忽七微七纖五沙二塵六埃

一退出地一百三十頃七十九畝三分六釐每畝徵銀不等共

徵銀二百九十六兩三錢九釐六毫八絲九忽二微

一抽出勸墾等地三百八十四頃三十七畝五分三釐二毫每畝徵銀不等共徵銀六百九十二兩二錢七分三釐五毫一絲四忽

一歸併各項衛荒等地一百零九頃七十八畝六分一釐五毫每畝徵銀不等共徵銀一百七十九兩二錢五分一釐五毫八絲四忽三微五纖五沙三塵九埃

一清查出現地一百二十二頃四十六畝八分九釐八毫三絲五忽每畝徵銀不等共徵銀二百二十五兩六錢七分二釐八毫一絲三微

一自首地畝四百十三頃七十三畝一分每畝徵銀不等共徵

三  
銀七百九兩七錢零五釐八毫七絲五忽內每年應徵黑豆一石一斗八升六合五勺

又二十二年自首墾荒地十六頃三十五畝五釐八毫共徵銀一十九兩四錢三分一釐四絲四忽

通共地一千一百九十八頃二十二畝一分九釐四毫三絲五忽共徵銀二千一百八十三兩三錢八分五釐六毫五絲九忽六微三纖六塵五埃內除地四百四頃七十七畝六分例不攤徵丁匠外下剩地七百九十三頃四十四畝五分九釐四毫三絲五忽

每兩攤丁匠銀二錢七釐二絲六忽共攤丁匠銀三百零八兩五錢四分九釐九毫二絲六忽八微三纖零

共應徵正賦併攤丁匠銀二千四百九十一兩九錢三分五釐  
五毫八絲六忽四微六纖四沙六塵六埃八渺四漠九湖一虛  
五澄八清七淨五逦二巡

每兩攤丁閏銀七釐九毫四絲零共攤丁閏銀一十一兩八錢  
三分五釐零

又徵地閏銀一百零六兩一錢八分四釐三毫六絲六忽零  
共應徵正閏丁攤銀二千六百零九兩九錢五分五釐七絲六  
忽四微零又存倉候變黑豆一石一斗八升六合五勺

### 存留起解

一存留項下俸工祭祀工料等項應存銀五千六百八兩五錢  
八釐二毫四絲五忽內除文武舉進花紅旗匾銀六十九兩九



錢九分九釐八毫九絲因缺額無徵無解遇有中式另行請撥外實應支存留銀五千五百三十八兩五錢八釐三毫五絲五忽閏銀三百九兩八錢七分八釐六毫零正閏共銀五千八百四十八兩二錢八分六釐九毫零內地糧銀內除解藩庫銀一百三十五兩五錢外留支銀二千三百五十六兩四錢三分五釐五毫零遇閏留支銀二千四百七十四兩四錢五分五釐三毫零其餘缺額銀兩另在藩庫請支

留支

已裁者  
不載

龍亭儀仗修理銀五錢

文廟修理銀十兩

知縣俸銀四十五兩

門子二名工食銀十二兩

皂隸十四名工食銀八十四兩

馬快八名工食草料銀一百三十四兩四錢

民壯五十名工食銀三百兩

件作二名工食銀十二兩

禁卒八名工食銀四十八兩

轎傘扇夫七名工食銀四十二兩

庫子四名工食銀二十四兩

斗級四名工食銀二十四兩

吹手六名工食銀三十六兩

舖兵五十六名工食銀三百三十六兩

三  
更夫五名工食銀二十兩

火夫十名工食銀四十八兩

典史俸銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

教諭俸銀四十兩

訓導俸銀四十兩

齋夫三名工食銀三十六兩

門斗三名工食銀二十一兩六錢

膳夫二名工食銀十三兩三錢三分二釐二毫

廩生二十名廩糧銀六十四兩

昭忠寺廟戶五名工食銀三十一兩八錢

犧牲所所夫一名工食銀六兩三錢六分

地壇壇戶一名工食銀六兩三錢六分

先農壇壇戶二名工食銀一十二兩

通流閘閘夫五名工食銀六十兩

永通閘閘夫四名工食銀四十八兩按二項按年起解坐糧廳

文廟春秋二丁祭銀四十兩

關帝廟祭祀銀四十兩

社稷山川風雲雷雨城隍八蜡等神春秋二戊祭祀銀三十兩

三小祭無祀鬼神銀十兩

三 濟 縣 志 卷 五  
鄉飲酒禮銀十二兩

朔望行香燭紙銀一兩

孤貧五名口糧銀十八兩冬衣布花銀一兩三錢三分一釐七

毫四絲五忽

時憲書銀三兩

帶辦

貢生旗匾銀二兩五錢遇有出貢給領

二年一辦

會試舉人盤費銀三兩三錢三分三釐三毫存庫候支

三年一辦以下

同

新中舉人牌坊銀二十六兩六錢六分六釐六毫

新中進士牌坊銀三十三兩二錢三分三釐三毫

新中武舉花紅旗匾銀三兩三錢三分三釐三毫三絲

新中武進士花紅旗匾銀六兩六錢六分六釐六毫六絲

四項缺額無征無解

科場謄錄書手厨皂工食銀十三兩三錢

會試謄錄對讀厨皂工食銀十九兩九錢六分六釐六毫六絲

武會場厨皂工食錢五兩六錢

繙繹會試書手厨皂工食銀十三兩

狀元歸第銀七兩

武場供應銀三兩

六項藩庫候支

通共官俸役食祭祀帶辦等項銀一千九百一十九兩九錢六

分四釐八毫九絲五忽內除文武舉進花紅旗匾四項銀無征  
無解外實共銀一千八百四十九兩九錢六分五釐五忽在司  
庫地兩銀內撥給足額按先農壇壇戶遇閏每名加銀五錢孤  
貧遇閏每名加銀三錢

知縣養廉銀八百兩

典史養廉銀三十一兩伍錢二分

駐防營筆帖式養廉銀三十兩

辦公銀二百兩

四項在司庫領回支領

旗租

存退餘絕租銀

解藩庫

浮收莊頭租銀 解內務府

入官地畝租銀 解藩庫

查撤各旗公產地畝租銀 解藩庫

民典旗買入官公產租銀 解內務府

回贖民典旗地租銀 解藩庫

回贖旗奴典地租銀 解藩庫

以上均係收除不常並無定額

雍和宮香燈租銀解內務府銀七百七十六兩四錢二分二釐  
八毫

滋生地租銀解內務府銀四十七兩四錢 又大錢四千九百

二十文



以上各項旗租銀俱係按年征完隨奏冊批解各庫

雜稅

牙稅

本城各集鎮斗行一十四名每名帖價二兩二錢共徵銀三十兩八錢

驢牙五名每名帖價二兩二錢共徵銀十一兩猪牙二名每名帖價不等共徵銀四兩

牛牙二名每名帖價二兩六錢共徵銀五兩二錢

布行一名徵帖價銀二兩二錢

共牙帖二十四張徵銀五十三兩二錢

麩稅

舊例係坐糧廳征收於乾隆二十三年歸縣每年應征稅銀無定額儘收儘解

當稅 向無定額儘收儘解

房地稅 向無定額儘收儘解

積貯附

三河均貯穀八千石

社倉穀一千六百七十四石一斗四升四合九勺四抄

義倉穀二千一百四十六石八斗七升按周官委積所以備緩

急濟凶荒也乾隆十一年十月欽奉上諭飭地方官籌畫義倉

乾隆十七年奉總督部院方御體聖心計通省一百四十四州

縣衛建倉一千五區繪圖條規以奏三河共設義倉六所以儲

三河縣志 卷五  
民食誠一時莫鉅之典宜永永遵守也

畿輔義倉圖三河縣屬大小三百四十六村每二十里內建倉

一區計如口鎮高樓鎮段家嶺黃莊夏店鎮馬房鎮凡六區

每區瓦房三間看守土房一間圍牆俱全大門一間乾隆十七

年知縣薛如春奉文勸捐修建

設倉正副各一名倉夫一名

### 義倉定例

一出納積息每年於青黃不接之時分半出借定於三月下旬  
開倉倉正副核明某某村各應借若干開具清榜送官標發實  
貼倉門願借者互保具領自數斗至二石爲止如已借常社倉  
穀不准重借一村無捐戶者不准借願借雜糧者聽

一借穀限於秋收十月內還倉收成八分以上加一收息收成

六七分免其加息每斗收耗穀三合五分以下緩至次年秋後分別加免還倉

一息穀以豐年之入每百石收息十石以一石爲倉正副紙張飯食以一石爲倉穀折耗以一石爲鋪墊之資其餘七石除動支倉夫工食外存作修建倉廩之用如有贏餘源源積貯

一州縣官每歲於十二月逐鄉同倉正副盤查一次取具甘結加具印結詳報本管道府察核如倉正副有侵混情弊即嚴行詳究

一遇歲荒急出穀碾米附倉立粥廠每日散粥一次人給一籌繳籌領粥按大口五合小口二合日煮米五石可食大小口千餘人如義穀不繼州縣勸富戶認日煮賑一人兼認數日數人

共認一日先期揭示某某於某日煮賑使食者知感而施者不倦

一計戶散穀每遇凶荒第上中下戶上戶責之價中下者免之準穀之多少以算戶視戶之衆寡以貸穀有田者來歲還倉或寬期二年均免息無田者免價極次貧戶既皆得食一州邑之中各倉並舉數州邑之中同時並舉繼之以官賑而民無外出者矣

每鄉穀數在五百石以內者立倉正一名經營千石以上添設倉副經理統於鄉耆中公舉端謹殷實之人充當免其差徭將姓名申報存案不得違例引用生監三年無過由州縣詳府州給匾獎勵六年無悞山府州詳布政司給匾十年無悞由布政

司詳院給匾

恩恤

清順治十一年蠲免六七兩年未完地丁本折錢糧

順治十三年蠲免八九兩年直省未完地丁本折錢糧

康熙三年蠲免直省順治十五年以前民欠錢糧

康熙四年蠲免順治十六十七十八等年民欠錢糧

康熙十年奉詔巡幸經歷通州以東本年地丁錢糧盡行蠲免  
又免四五年舊欠地丁錢糧

康熙十八年地震後奉詔賑城鄉窮民及戶丁一千四百七十  
戶各白銀一兩壓死男婦一千一百六十八名各給棺殮銀五  
兩五錢本年地丁錢糧全行蠲免又免十七年以前民欠錢糧

康熙二十一年吳逆蕩平全蠲本年地丁錢糧

康熙二十五年免順永河保四府本年未完及二十六年地丁錢糧

康熙二十六年蠲免十三年以後加增各項雜稅銀兩

康熙二十八年奉詔軍民七十以上者許一子侍養免其差徭八十以上賜帛肉折銀每人一兩六錢四分九十以上者倍之蠲免本年未完及二十九年上半年錢糧二十九年賑濟饑民二千九百八名自二月初起至四月終止每大口給米三斗六升小口半之

康熙三十二年蠲免三十三年地丁銀米併歷年舊欠錢糧

康熙三十四年免順保永河四府水災地畝康熙三十五年地

丁錢糧

康熙三十九年免順天府所屬被水災地畝本年地丁錢糧

康熙四十五年免順天河間兩府四十四年額賦又免四十一年至四十三年未完民欠錢糧有現納在官者准抵本年正賦  
康熙四十九年蠲免五十年應征地丁糧米併歷年舊欠錢糧  
康熙五十二年免五十三年房地租稅併歷年民欠未完銀兩  
康熙五十四年蠲免地丁銀米草束

康熙五十五年免直省地丁銀米又免滋生補剩人丁永不加賦

康熙五十六年蠲免帶征地丁屯衛錢糧又免本年地丁錢糧  
豆草併歷年未完錢糧



雍正元年蠲免通州三河薊州等十一州縣地丁銀四萬九千五百十三兩九錢八分五釐又免丁匠銀兩攤入地糧徵收

雍正二年蠲免康熙五十年以前舊欠銀米等項

雍正七年免直省起運地糧四十一萬七千八百九十四兩

雍正八年蠲免直隸起運地糧四十萬兩

雍正九年蠲免直隸起運地糧四十萬兩

雍正十一年蠲免通州三河等五十五州縣衛被水地畝錢糧十分之二均攤免九萬八千五百九十六兩七錢九分六釐自十一月初起至次年正月杪止賑濟饑民六百五十一口每日給米七合小口日給四合

乾隆元年蠲免本年地丁錢糧

乾隆二年蠲免直隸地丁錢糧七十萬兩

乾隆四年蠲免直隸地丁錢糧九十萬兩

乾隆十年蠲免秋禾被旱地畝錢糧十分之二三四不等自十一月初至十二月底止賑濟饑民七千二百零八口每大口日給穀一升小口半之

乾隆十一年蠲免直隸通省地丁各項錢糧

乾隆十四年蠲免御道兩旁禾稼未穫狹隘處以二里爲界寬平處以三里爲界將本年應徵額賦免十分之三

乾隆十五年皇上巡幸河南恩賞經過地方老民老婦米肉布帛三河八十以上老民九十二名九十以上老民六名七十以上老婦九十四口八十以上老婦八十二口九十以上老婦五

口綠旗營七十以上老婦三口八十以上老婦七口駐防營八十以上老婦二口俱照例分別折價給賞

乾隆十六年皇太后萬壽恩詔賞賚老民米肉布帛三河七十以上老民一百四十七名八十以上老民一百一十三名九十以上老民七名俱照例分別給賞

乾隆十九年蠲免御道兩旁地畝錢糧十分之三

乾隆二十一年蠲免御道兩旁地畝錢糧十分之三

乾隆二十一年皇上恭謁孔林恩賞老民老婦米肉布帛三河八十以上老民五十六名九十以上老民八名七十以上老婦二百零二口八十以上老婦五十五口九十以上老婦五口營兵內八十以上老民二名七十以上老婦六口八十以上老婦

三口俱照例分別給賞 按我朝深仁厚澤蠲租賜復史不絕書  
茲特就有關三河者恭紀之司土者安可不實心奉行以仰答  
高厚之恩哉

### 鹽法

部頒鹽引三河原額一千四百二十八道康熙四十七年攤增  
至一千二百八十道新加引三千二百道三邑共引五千九百  
零八道現係綱商王子觀自行運到

鹽店舊額南關一座 夏店一座 張各莊一座例屬天津鹽  
法道長蘆鹽院轄

鹽法考順永正河四府私販盛行以致課派地畝人丁復募土  
商包納課銀給引認地行鹽順天府屬之薊遵三河八州縣歲

三河縣志 卷之二  
改行引八千七百六十三引

畿輔通志順治元年題准順天府屬包課州縣今已改課各商  
既以均認但各州縣行引事屬創始前長蘆運司派遵化豐潤  
三河各二千四百引該州縣應照該司派數督商納課註名入  
綱領引行鹽不許仍前包納以累小民

畿輔通志順治十七年准御史高而明題革去薊遵三河等州  
縣京土各商更換綱商自十八年爲始照依原額并新增引目  
認地行鹽

康熙九年准李棠羅璧等題州縣額設私鹽銀兩原因行鹽地  
方恐有私販巡役賄放故科以私鹽銀兩以爲賑濟貧民修理  
衙署等用嗣後止許見獲私鹽銀兩報解州縣如有定額硬派

私徵者該御史指名參處

### 驛站

畿輔通志縣舊有驛二東曰武樂西曰夏店去縣各二十里正德七年廢二驛改建於南店設驛丞一員今裁本朝康熙年間歸併於縣署西國初額設歲需工料銀六千三百五十兩又舊額閏銀五百二十九兩一錢六分六釐三毫四絲五忽七微於康熙十四十五兩年各案奉裁銀一千九百三十兩八錢七分四釐閏銀一百六十兩九錢五釐八毫四絲五忽七微康熙二十年奉恩詔復工銀九百六十五兩四錢三分七釐閏銀八十兩四錢五分二釐九毫二絲二忽八微五纖

康熙二十九年奉詔恤驛遞困苦新增馬夫工料銀一千二百

兩四錢閏銀一百兩零三分三釐三毫三絲三忽三微

康熙三十四年以驛衝額馬不敷申請詔續增馬夫工料銀一千八百兩六錢閏銀一百五十兩五分

雍正八年請除驛遞積弊等事案內奉裁舊額新增雜支銀七百四十四兩七錢六分三釐閏銀六十二兩六分三釐四毫二絲二忽八微二纖

又敬陳清釐驛務事案內奉裁舊額新增夫役工食銀六百九十六兩六錢閏銀五十八兩五分

又敬陳管見等事案內改歸昌延等軍站夫馬奉裁舊額工料銀五百七十七兩二錢閏銀四十八兩一錢

又於十一年分請裁驛站陋規等事案內奉裁夫馬工料十分

之一銀六百三十六兩七錢閏銀五十三兩五分八釐三毫二絲三忽三微三纖

以上實正閏銀六千二百零七兩八錢二分四釐零

內舊額工料銀在本縣地糧銀內留支

正閏細數詳田賦門內

原額新續增共馬八十七匹每匹日支豆草麩價銀七分九釐四毫七絲共歲支豆草麩價銀二千四百八十九兩零四毫

新續馬夫等役四十三名半每歲額支工食銀八百四十五兩四錢

接遞皂隸六名歲支工食銀三十五兩九錢九分八釐五毫六絲內扣留二一名

獸醫二名歲支工食銀三十二兩四錢



擯轎夫頭一名歲支工食銀二十五兩九錢二分擯轎夫四十名內扣留二八名共歲支銀七百二十兩四錢養擯轎夫十名內扣留二二名共歲支銀二百十六兩

抄牌字識二名歲支工食銀三十二兩四錢

原額車牛十六隻奉文改爲車馬十六匹每匹照舊額牛例日支豆草銀四分九釐五毫共歲支銀二百八十五兩一錢二分車牌子三名歲支工食銀五十八兩三錢二分趕車夫十六名歲支工食銀三百一十一兩零四分

原額設車馬工料正閏共銀一千一百九十四兩五錢九分一釐六毫六絲六忽於雍正十一年奉裁十分之一銀一百一十九兩四錢五分九釐一毫六絲六忽六微實剩裁存銀一千零

七十五兩一錢三分二釐四毫九絲九忽四微遇閏加增留二扣解今預裁存藩庫

牛換馬十六匹除照額牛例日支草料歸驛站報銷外又增豆二升麩二升又添設馬車十輛馬十匹共歲支豆麩草銀五百一十九兩四錢零八釐另案報銷

車牌一名歲支工食銀二十一兩六錢

趕車夫十名歲支工食銀二百一十六兩

鋤草喂馬夫二名歲支工食銀四十三兩二錢每年新增續增共買補倒馬二十六匹每匹價銀九兩應扣每匹皮張銀五錢又添設補倒馬七匹每匹價銀皮張銀同

柴薪銀歲支五十一兩四錢八分

三河縣志 卷五  
馬藥銀歲支二十一兩六錢

燈油銀歲支十四兩四錢

紙張銀二十六兩四錢

每年新續增需用襍支銀二百一十九兩四錢六分一釐零四

絲

每年過往官員廩糧飯食銀

無定額

每年額外僱車每日價銀七錢

夫馬工料遇閏加增一月小建扣除一日每年動用銀兩在本縣留支項下開銷倘有不敷另行請撥

鋪遞

畿輔通志三河縣東爲石碑鋪段家嶺鋪西爲白浮圖鋪泥窪

舖夏店舖馬起乏舖烟郊舖額設舖兵五十六名每年共支銀三百三十六兩舊志舖遞凡十處城中縣前舖縣東石碑舖段家嶺舖通薊州縣西白浮圖舖新店舖夏店舖馬起乏舖烟郊舖通州縣南杏仁莊舖通香河等處縣北唐廻舖通密雲等處

今按

縣前舖

舖司頭一名

舖司一名

舖兵五名

石碑舖

舖司一名

舖兵五名

段家嶺舖

舖司舖兵同

白浮圖舖

新店舖

夏店舖

三 江 縣 志 卷 五  
馬起乏舖

烟郊舖

舖司舖兵同

杏仁莊舖

舖司一名

舖兵三名

北套舖

舖司一名

舖兵二名

論曰國家之所賴者惟財賦地方之所重者惟差徭下民之所望者惟恩恤積貯所以備荒而足民食者也鹽法所以裕國而利民用者也驛站所以傳命而達民情者也故皆得並書恭惟聖朝減滋生之賦裁力役之征農末交資郵傳不擾休養生息駸駸乎其日盛矣縮墨綬者當催科而思撫字當筦權而量盈虛庶有益於上下哉

三河縣志卷之六

鄉閭志

周禮地官自州長以下有黨正族師閭胥比長自縣正以下有鄙師鄮長里宰鄰長於相保相調之內寓相維相制之權法至良也我皇朝啣啣井里地邑民居熙攘日甚雖荒村古寺野店官橋具見友助之風爲之備列其目細條其制而以保甲附於後益信觀於鄉而知王道之易也志鄉閭

街里

能仁閣在縣中心又名中心閣 至東門爲東大街 至西門爲西大街 至南門爲南大街 至北門爲北大街  
北大街縣衙東十字街口 有建善坊 東爲倉門口 再東

三  
江  
縣  
志  
卷  
之  
一  
一  
為草場

滿洲營房

西為縣門前

再西為八塊石頭街

滿洲營房有井

再西為西城根

南大街中為十字街口

東為東鍋市口

再東十字街口

東為東大寺街

滿洲營房有井

南為東水門底下

東為東城根

北為東小街

西為西鍋市口

再西十字街口

奎星樓前學宮前

再

西南四眼井

滿洲營房城隍廟前

南為西水門底下

北為西小街

東大街

關帝廟十字街口

北為北小街

西大街觀音堂十字街口

乾石橋

再東為朝鮮館

北為

北小街

東西北三關廂及城西馮家莊曹家莊俱附樂善里

按三河城內通衢名樂善里四廂通衢名同善里士農工賈羣

聚而萃古人入里必式良有由也

坊表

明

鄉貢進士坊

為邢謹建

柱史坊

為劉金建

進士坊

為邢昭建

都憲坊

為蕭建

選建

繡衣坊

為邢昭建

總憲坊

為王楊建

進士坊

為王俸建

雙生進士

坊

為王楠王楊建

三代恩榮坊

為王業隆建

父子御史坊

為蕭選蕭九峯建

恩榮世濟坊

為曹子朝子登建

以上歲久俱廢

清

貞節坊

為生員張正芳妻邱氏建

在縣南街今廢

貞節坊

為民高維岳妻劉氏建

在旁立山莊

貞節坊

為儒士曹持裕妻張氏建

在南關



按易演義曰坊方也言即人所居之里以爲坊欲人知訓俗型方之義也顧縉紳則榜之通衢以侈恩榮貞節則表之名閭以彰世德三河坊表寥寥而昔賢之遺範淑媛之流風猶可槩見書曰表厥宅里樹之風聲有以也夫

村莊

正東路親一鄉

新屯

韓家屯

南燕村

北燕村

渠頭莊

遂家莊

崔家莊

趙家莊

大南宅

李家莊

龐家莊

段家嶺

山下莊

九百戶

蔣家衝衝

新莊

石碑莊

黃土莊

小營

燕兒口

東南路睦一鄉

錯橋莊 侯各莊 大王各莊 二王各莊 小侯各莊

大鮑各莊 小鮑各莊 泗河莊 大窩頭莊 小窩頭莊

大楊家務 小楊家務 侯家莊 劉家白塔 梁家莊

杏仁莊 馬家大宙 薄家大宙 後莊 大掠馬莊

小掠馬莊 孫安屯 榮村 盧家莊 田家莊

栗家屯 埝頭莊 陳府莊 南莊 大興莊

王堂莊 胡家莊 葛中馬房 前各莊 後各莊

達子屯 王家莊 魯家新屯

正南路禮一鄉

高各莊 沱港淀 新莊 蕭家莊 馮家白塔

張家白塔 石駙馬莊 毛家墳 齊家莊窠 陳家莊

趙家莊 韶道庵 白塔寺莊 黃莊 新莊

公家莊 後曹家莊 大堡莊 窪子莊 東定府莊

西定府莊 豐泰莊 大李各莊 小李各莊 前中門莊

後中門莊 南店 藍各莊 曹家莊 楊家莊

武公莊 閣各莊 閔各莊 阜脊莊 小霍各莊

新房莊 任管莊 白家莊 劉各莊 司家莊

周家莊 神靈莊 崔各莊 大薄各莊 小薄各莊

鄭家新莊 周家馬房 榮家馬房 許官屯 大坨頭

小坨頭 沙岡莊 孫各莊 新房莊 朱家莊

大朱家莊 小朱家莊 常家新莊 乾坤莊 楊各莊

王家新莊 馬家廟 楊家新莊 侯官屯 王指揮屯

吳家新莊 漫撒營 藍家莊窠 蔣家店

西南路讓一鄉

馬各莊 王駙馬莊 魏各莊 陳各莊 小南莊

定福莊 范家港 康家莊 曹家莊 付新莊

小付各莊 新近屯 寨裡 趙各莊 前丞相莊

後丞相莊 夏莊 東廠莊 南營裡 小務兒莊

于各莊 韓各莊 太平莊 陳府莊 商家莊

田家村 翟各莊 小莊子 安家莊 辛家莊

葦子莊 韓家府莊 何家屯 褚各莊 金家莊

侯駙馬莊 霍各莊 後店莊 大廠莊 小廠莊

盧家莊 何家廠 馬家莊 李家新莊 河西營

西南路讓二鄉

太平莊 賈各莊 馬家莊 磚臺莊 大莊子

邵府莊 半壁店 陳家府 祁各莊 毛家莊

亮馬臺 于家新莊 大宋各莊 小宋各莊 大東關莊

小東關莊 西關莊 窪子裡 謝家疃 大柳店

小柳店 吳各莊 田各莊 蔡各莊 城子裡

烟郊鎮 樊村 興都莊 田家新莊

正西路仁一鄉

李秉全莊 定府莊 東棗林 西棗林 劉家棗林

李家棗林 徐家棗林 雷家棗林 劉校尉莊 李家莊

李家民莊 李家旗莊 趙各莊 安家莊 窩上莊

李木耳莊 曹家莊 杜官屯 小胡家莊 榮家堡

新莊 棋盤莊 王家莊 楊家莊 大定府莊

小定府莊 楊相公莊 野汪莊 郭家莊 劉家莊

東新店 西新店 白浮圖 華家屯 喬家莊

丁家莊 郝家府 楊家莊 黃新莊 閻家莊

王家莊 毛家廠 趙家溝 大景家莊 南景家莊

北景家莊 尚各莊 南泗頭 芮家屯 南馬房

陳家新莊 土營莊 王家莊 太平莊 興隆莊

田家莊 夏店鎮 南新莊 郝家莊

正西路仁二鄉

康家莊 小康家莊 潘各莊 劉家河莊 賈各莊

小屯莊 小高樓 回回務 李家務 梁家務

田家莊窠 曹家莊 城廠莊 喬官屯 高樓

小屯 張老人莊新 黃新莊 曹家莊 聶家莊

前車房 雙營莊 皮各莊 謝家莊 馬起乏

東柳河屯 西柳河屯 西新莊 齊家屯 牛萬屯

雙舊莊 大石家莊 小家石莊 萬家莊

西北路義一鄉

丁家河溝 丁小家河溝 李家河溝 倪家河溝 馬家河溝

方家屯 趙家莊 小東莊 田家莊 萬家莊

大邢家莊 小邢家莊 鞏家莊 周四家莊 陳蠻子莊

查馬房 大羅家莊 中潭莊 小田家莊 李家新莊

佛家新莊 孫家新莊 蔡官營 狗兒府 李知府莊

馬家莊 小羅家莊 宣家營 武府莊 大府莊

康家灣 利家莊 賈官營 大崔各莊 崔各莊

胡家莊 范家莊 榮家莊 蔣家莊 渠頭莊

大唐莊 董家莊 大福莊 霸窪莊 老公莊

隆平侯莊 佟家莊 沈家莊 白家莊 丁家莊

韓家莊 軍下莊 石各莊 薛家莊 王化莊

嶺上莊 賈各莊 孫各莊 五府莊 石官營

程官營

西北路義二鄉

許各莊 三府莊 曹家莊 夏新莊 南窩莊



聶家莊 劉家新莊 李家新莊 趙家莊 河南馬房

河北馬房 戴家莊 宋各莊 吳雄寺莊新 田各莊

北石渠莊東 北石渠莊 小堂莊 聶家莊 顧家莊

柴家林 宗家店 東新撞莊 西新撞莊 兔耳山莊

畫山莊 湘子王莊各 尹家新莊 劉馬莊 趙家峪

賜福莊

西北路義三鄉

疙疸頭莊 河魁莊 馬昌營 王家屯 大顧現

小顧現 窪子裡 客家莊 北窪子 呂布屯

賈家新莊 港溪莊 南賈家莊 張各莊 何家莊

雙營新莊 梁山莊 麻林山莊 大桑渠 小桑渠

大新莊 齊家府 沙子營 小段村 旁立莊

孫各莊 庄窠裡

西北路義四鄉

王家莊 前王會莊 後王會莊 趙各莊 蘇家橋

曾家莊 朱家莊 聶家莊 大新莊 周家莊

白塔新莊 白塔寺後 栢樹莊 大曹家莊 小曹家莊

梁家庄 東筵籬口 西筵籬口 齊連莊 山里新莊

蔣各莊 沙嶺莊 于家莊

西北路忠一鄉

閻各莊 北套莊 郭家套 楊家套 溝北莊

溝北新莊庄窠 劉家新莊 王家莊 前王家莊新 雙潭莊

曹家莊 梁家臺 北吾村 祖家屯 石道莊

梁家莊 大屯莊 小屯 東店子 東馬房

西馬房 西店子 塔兒寺 蔣家莊 李家莊

黎兒洋莊 新莊 牛家營

正北路忠二鄉

官莊 魏家新莊 英城 窪裡 東薄各莊

西薄各莊 定府莊 天井莊 果各莊 西王家莊

毛管營 小王各莊 高廟王莊各 馬昌營 大陳各莊

雲峯寺 楊家橋 峪口 東樊各莊 西樊各莊

劉各莊

東北路信一鄉

頭百戶 二百戶 大石家莊 小家各莊 高家莊

尙莊子 馬連口 白家莊 胡家莊 駱家莊

東李村 劉家李村 艾家李村 東小汪 中小汪

西小汪 孟各莊 蠻子營 城子莊 劉家新莊

唐會店 大唐會莊 西唐會莊 磨頭莊 雙村

南蔣府山莊 北蔣府山莊 青陽屯 拷捲山莊 撇山頭莊

崔家莊 侯家莊 趙家府 大王府莊 鮑家莊

曹家莊 高家莊 普賢屯 南寨莊 門樓莊

南張岱 北張岱 新撞莊

東北路信二鄉

前芮家營 後芮家營 石橋莊 管家莊 大興莊

東栢家店 西栢家店 梁家莊 周家莊 韓家屯

雞臥莊 陳糧屯 三府莊 唐家莊 興隆莊

蔡家坨 中橋莊 念頭莊 西北店 蓮花潭

許家府 杏園莊 北新莊 冀各莊 前北宮莊

後北宮莊 陳家莊

按 邑領鄉鄉領里里領村所以翼衛也三河畿東要地本城樂

善里四廂同善里以親睦禮讓仁義忠信分八路十五鄉計五

百五十七村莊 併樂善里之馮家莊曹家莊在內

里社

坊市社 坊管社 南寨社 英城社 如口社

王會社 北宮社 南一社 南二社 南三社

軍一社 軍二社 軍三社 庶富屯社 劉一社

劉二社 順慶屯社 福慶屯社 南馬房社 北馬房社

以上二社舊  
又稱得勝社

興營社 原興州營州二衛地本朝順治初年裁衛地附通州

康熙十二年歸三河立興營社 南吾山社 北吾山社康熙

二十七年併金吾衛燕山衛立吾山社

彭城社 康熙二十七年歸併彭城衛立彭城社按三河民居

村落紛多分二十五社每社設里老一人凡造丁册及考試稽

查頂冒等事董之

### 市集

本城每逢二七日大集

南店每逢五十日小集

段家嶺每逢三八日大集一六日小集

夏店每逢三八日大集五十日小集

黃莊每逢五十日大集三八日小集

西廠每逢一六日大集四九日小集

馬房每逢四九日大集一六日小集

峪口每逢一六日大集四九日小集

張各莊每逢三八日大集五十日小集

高樓每逢二七日大集

橋梁

永濟橋 在南門外跨洵河一名小河橋明正德十二年邑人

御馬監太監張銳之兄張明建大學士楊一清作碑記載藝文志萬歷四十六年知縣張所蘊重修皇清順治七年知縣孟希舜重修康熙三十年知縣張鼎重修乾隆十三年知縣熊繹祖重修兼築兩頭土壩北抵城門南至南店行人賴之

錯橋 在縣東五里一名草橋今廢本朝康熙年間額設渡船四隻船戶十六名每名月米三斗歲支月米在工部請領

長安客話錯橋在縣東五里之七渡河名橋最古載入名勝志及燕石集

明史宣宗實錄宣德三年七月順天府三河縣奏本縣錯橋東通遼海西達京師今年五月霖雨山水大漲壞橋磬石皆缺驛使往來不便乞撥軍夫工匠于華山石廠取石修砌庶幾可成



從之

夏店西小石橋

跨麻兒窩溝

夏店東大小石橋二座

跨鮑邱河

新店東石橋

跨溝

三官廟小石橋

跨溝

南店南口小石橋

跨溝

河東興隆店石橋

跨溝

石碑西小石橋

跨溝

石碑東大小石橋二座

跨溝

不老淀小石橋

跨南港

渠頭大石橋

黃莊鎮小石橋

跨溝

鮑邱河南下稍

南馬房小石橋

趙各莊小石橋

白家莊小石橋二座

薄各莊小石橋

大府莊小石橋

韶道庵小石橋二座

神靈莊小石橋

賈管營小石橋

跨鮑邱河上稍

蔡管營小石橋

跨洵河上稍

胡家橋

跨月池溝

黃土莊小石橋二座

跨溝

雙村小石橋

跨溝

小顧現莊小石橋

跨顧現河

烈虎橋

在樊各莊北石渠木面跨山澗水

楊家橋

跨溝

按徒杠輿梁王政必先為詳其界某境跨某河不惟記經塗且以知水道豈特及時修葺民無病涉已哉

寺觀 凡列在祀典者槩不重叙

萬壽寺

在本城

關帝廟

北燕村 祁各莊

小屯莊 西關莊

司家莊 吳各莊

藍各莊 西務莊

康家莊 青陽屯

唐回店 溝北莊 東馬房 西馬房 大桑渠 蔡家垞 皮各莊 田各莊

張各莊 半壁店 東廠莊 城子莊 官起岱 河西營 楊家橋

梁山莊 董家窪子裡 英城 大定府莊 南店東頭雙舊馬家莊 大府莊

興隆寺

趙家莊 北曹家莊 王家李村

娘娘廟

段家嶺 西馬房 達子屯 齊家村 夏河屯 東馬房 北門外 小汪莊

大寺

杏仁莊 北吾村

三官廟

大曹莊 西馬房 馬家莊 南店西 官莊 東馬房 南莊 馮家白塔 如新寺

觀音寺

鮑各莊 崔各莊 許各莊 西栢家店 楊家橋 張家白塔 雙舊莊

興隆庵

泗河屯 小 王各莊 隆平候莊 達子屯

觀音堂

本城 孫各莊 夏店 大莊 楊家橋 張老人新莊 閣各莊

白塔寺 在陳家白塔

藥王廟 西門外 乾坤莊 雙龍莊 定府莊 趙家峪 東馬房 霍各山

光福寺 棗林莊

三義廟 小黃莊 韓各莊 王指揮屯

地藏菴 南店 棗林莊

觀音菴 沈家莊 李家務 頭百戶 鮑家莊 尚各莊 許各莊 興隆莊 韓家屯 王家莊 翟各莊

曹家莊 趙各莊 石道莊 西關莊 定府莊 葦子莊 南莊 鮑各莊 小馬房 中橋莊

陳家莊 賈各莊 閻各莊 田家村 沙嶺 孫各莊 毛管營

李家新莊 小石家莊

龍泉菴 中務莊 蟲王廟 張各莊 王新莊

華藏菴 五福莊 二郎廟 南寨 撇山頭

延壽寺

蔡家坨

玉泉寺

王家莊

七聖廟

樊柳村  
不柳店

伏魔庵

大新莊

彌陀寺

寶陀山

天齊廟

北門外  
如口

功德寺

石橋

菩薩庵

城子莊

火神廟

南門外  
侯各莊

窪子裡

白衣庵

撇山頭  
石碑

夏西營店

高官營店

田家村

東馬房

眞武廟

小羅屯  
波羅口

北門外  
芮家營

官莊  
樊各莊

任管營  
峇家新屯

程官營

朝陽庵

台子莊  
閻各莊

天井莊  
前嶺莊

大桑渠  
高各莊

野汪莊  
蘇子峪

崇興寺

齊連莊  
小汪莊

雙塔莊  
夏店北

清林寺

楊家橋

圓覺寺

榮北村  
東家店

石佛寺

西馬房  
棗林莊

淨修寺

東馬房

眞陽寺 旁立莊

興圓寺 顧現莊

臨光寺 白塔莊

寶慶菴 曾家莊

勝福寺 南寨

寶峯寺 王會莊

白馬寺 兔兒山

興國寺 吳各莊

通化寺 樊各莊

安國寺 尹家府

瑞聖寺 葛中馬房

顯慶寺 南泗頭

靈嚴寺 馬家古溝

興禪寺 東關

二聖廟 劉家白塔

吳雄寺 無平山

通濟寺 後丞相莊

圓通菴 查馬房

隆恩寺 新撞

永清寺 范家小屯

延福寺 如口

彌陀菴 魏各莊

設教堂 唐家莊 三王廟 窰 上

五岳廟 許家府 水月寺 北渠頭

福勝寺 南張岱 靈山寺 靈山

吳隆寺 趙各莊 岱明寺 杏仁莊

寶吉菴 趙家莊 普靜寺 陀頭莊

水月菴 段家嶺 嚴慶寺 楊各莊

茶棚菴 段家嶺 雙舊莊

圓通寺 窪馬房 楊各莊

三聖廟 戴家莊 大東關莊 小曹家莊

靜業菴 黃各莊 彌勒菴 小曹家莊

華嚴菴 榮家堡 廣福菴 三府莊

長清菴 韓各莊

馬神廟 南店

萬善菴 尙各莊

靈官廟 西門內

龍泉寺 齊家屯

崔府君廟 東門內

感福寺 軍下莊

感應菴 孫家莊

洪福寺 神靈莊

德建菴 呂布屯

玉皇廟 東門外

普慶菴 本城內

大悲菴 邵府里

高堂寺 劉家李村

普通寺 南燕村

無樑閣 焦園山

雙龍菴 蔡官營

斗母宮 華山

普榮菴 新店

聖人廟 張各莊

隆長菴 侯官屯

喜神廟 張各莊



龍王廟 張各莊

勝泉寺 搬山頭

雙廟 白浮圖

按神明不必有廟而式憑而事神者入廟思敬則觸目警心不為無助故梵宇琳宮掌之宗伯亦有舉莫廢之意也

### 墳墓

### 金

劉轉運使墓

名樞在縣西五十里

長興公主墓

食邑梁國在縣北五十里

韓英墓

在縣北六十里

韓延壽墓

在縣北七十里

冉將軍墓

名金雍封宣武將軍在縣北五十里

趙招撫使墓 名景先在縣北五十里

楊延平墓 在縣北五里

元

祁侍郎墓 遺名在縣東二里

明

蕭御史墓 名選在縣西十里

劉御史墓 名金在縣西

邢御史墓 名昭在縣東

王太僕墓 名楠在縣西

王布政墓 名揚在縣西

喬郎中墓 名伊在縣西三里

馮御史墓

名三元平原令累官副都御史在縣西南

張主事墓

名文運在縣北六十里

盧按察使墓

名友竹在縣南三里

趙副總兵墓

名景在縣南

朱將軍墓

名國彥三屯營總兵在縣西三里

王總兵墓

名業隆在縣西

清

誠郡王墓

在縣西北五里樊各庄

洪公爺墓

在縣北四里王家新庄

鄂公爺墓

在縣西南三十里趙溝

建威將軍敏愷補公墓

在趙家溝

胡知縣墓 名應徵在縣南五里

胡同知墓 名繼芳在縣南五里

劉知縣墓 名瑞遠在縣西

朱知縣墓 名國俊在縣西三里

查贈公墓 名日乾贈奉政大夫兩淮鹽運同知即查氏七烈國英妻周氏之孫在縣之石渠

查孝廉墓 名爲仁贈奉直大夫刑部貴州司員外即日乾子七烈中周氏之曾孫在石渠

魏贈公墓 名雲蘭贈奉政大夫兵部車駕司郎中在縣西南十五里

誠親王福地 在縣東北二十里馬房

伊宜人墓 在縣南三十里余各莊

保甲 附

乾隆二十二年十月欽奉上諭編查保甲隨奉總督部院方題

三  
卷之二  
奏編查各款經部議准奏聞報可行文直隸各州縣一體遵行  
錄謹按先王體國經野比閭什伍載在地官有明以魚鱗冊編  
里里有甲甲有戶閭歲開除亦周禮遺意也第萬歷以後奉行  
不力漸以廢弛我朝以鄉統里以里分保旗民雜處之地有屯  
目鄉長地方官得與理事廳共治其事令至便法至善也又恐  
旗民若各立一牌轉開諉卸之端特令設十家牌一體編列彼  
此得互相稽察誠善之善者也實力行之盜益以弭民益以安  
令不擾而法不疎是誠在司民牧者

三河縣志卷之七

風物志

化行俗美土物心臧治理所由隆也稽諸往籍益以前聞昭然  
可見歲時則徵民風於節序物產則驗地利之孳生以見近畿  
淳美乃若雲物之警水旱之侵五行之疵癘昆蟲之怪變僅見  
希聞該以物異亦附識之以示炯戒志風物

風俗

爾雅疏燕其氣深要厥性剽疾

管子燕之水萃下而弱沉滯而雜故其民愚憊而好貞輕疾而  
易死

漢書地理志世俗愚悍少慮輕薄無威亦有所長敢於急人

三 江 東 卷 十  
隋書地理志北平水甘土厚人多技藝秀者讀書次則騎射耐  
勞苦

金志崇德尙義顧恥修廉以忠孝勵其俗以詩書傳其家  
元志人多豪傑習於戎馬

唐杜牧集幽并之地其人沉鷲多材力重許可

唐韓愈集燕趙多慷慨悲歌之士

宋范鎮幽都賦風俗朴茂蹈禮義而服聲名

宋蘇軾集勁勇而多沉靜自古號多豪傑

方輿勝覽民務農桑士習詩書無強暴相凌之風有寡求不爭  
之俗

畿輔通志喜聲名者有雄桀之風好詩書者多慷慨之致

按風俗與化移易其習以成風漸以成俗者此疆彼界未可一  
槩論也三河秀者業詩書朴者勤耕鑿市有貿遷之商工無滯  
奇之作然四民園處力田居多時屆農忙男耕耘而婦餽餉會  
逢間隙山樵採而水魚蝦甚且女剔宵燈童勤春牧未晨先興  
薄暮未已眞可謂甘耐勞苦矣若夫疾病不事醫藥慶奠一循  
古風物布糲粟勝於美食鮮衣跨蹇徒行勝於安車駟馬蓋性  
本樸厚無論貧困之家日不睹錦繡口不識膏粱賓至則壺酒  
盤飧絕無兼味即縉紳富室亦略無靡麗其習俗使之然也故  
尙意氣重然諾不屑逐末惟本是圖豈獨村野農氓盡沾塗於  
畎畝而經營工作亦課驗夫陰晴麥隴蔬畦不乏富家之業禾  
場稼圃常留士子之踪此誠知粒食艱難益徵風俗之近古也



時序

正月元旦帖春聯放爆竹陳設香案易新服祀天地百神及祖  
先後卑幼拜尊長畢親友賀年旬日乃止舉家食煮餈餈一天  
自一日至十日以陰晴卜六畜人穀菓菜之豐耗是月之十四  
日爲上燈十五日爲正燈上元節十六日爲殘燈凡三日街市  
廟觀皆張燈施綵居民走橋遊城名散百病鄉間搭鞦韆架紮  
草把燈以爲戲下旬五日啖餅摺謂之填倉滿地布灰圈

二月二日俗名龍抬頭各家食餅摺自門外至家堂布灰於地  
謂之引龍

三月清明節各家牲醴掃墓填坎土掛紙錢插柳門牕以辟虫

蝎

四月八日爲浴佛日煮黃豆徧施人謂結緣豆十八日泰山行宮廟會陳諸戲放烟火三日乃止二十八日藥王聖誕廟會演戲陳百貨貿易

五月五日端陽節比戶懸艾虎戴桃符飲雄黃酒以避虫蝎親朋角黍相遺十一日本縣城隍聖誕演劇賽會三日奉神像出巡導以鼓樂旗旛繞城進廟

六月六日曝衣書汲水浸物經久不壞三伏內造酒醬麵

七月七日爲七夕陳瓜果祀織女盛盆水投以針名曰乞巧十五日中元節設麻穀于門祭祖先施食放蓮燈

八月十五日中秋節親友瓜餅相餽至月上陳瓜果祀月舉觴環慶爲樂視月之明暗卜來年元宵之晴雪

三 江 縣 志 卷 十  
九月九日重陽節登高讌集鄉農散工開六畜欄牧于田野

十月朔祀祖先剪紙衣而焚謂之送寒衣

十一月冬至節祭祖

十二月八日煮各種米豆和以棗栗名臘八粥

二十三日掃舍送竈于除日貼門神換神龕插芝蔴稽放爆竹  
燎松柏葉祀祖先接竈神卑幼辭歲舉觴爲長者壽圍爐聚飲  
竟夕不寐曰守歲

### 物產

物類紛紜產其地者爲良亦切于用者乃貴茲區其類編之皆  
天地自然之利生民日用之需不以炫奇而鬪靡也

### 五穀類

粟穀種類極多 黍稷黑白紅黃四種

豆青黃黑白綠扁豇查豌豆九種

麥大春秋喬四種 粳水旱二種 粱米 稗米 秠米

芝蔴 葶蔴 火蔴 薏苡仁

菜蔬類

羊角葱 蕪菜 瓠子 芹菜 大蒜 芫荽 白菜 蔓菁

蒼達 蒿苳 茼蒿 葫蘆 莧 芥 香椿 紫茄

薺菜 菠菱 大蘿蔔 水蘿蔔 胡蘿蔔 馬齒莧

掃帚菜 玉環菜 王瓜 西瓜 倭瓜 冬瓜 甜瓜

稍瓜 絲瓜

菓類

桃李種極多 石榴 杏 柿 大棗 羊棗 桑椹

藕 葡萄 無花果 棠梨

木類

松柏槐楊柳 椿樗杜榆桑

花類

榴紅白二種 蜀葵有數種 菊有數種 萱花 玉簪

鳳仙 合歡 迎春 雞冠 金盞 山丹 蓮紅白二種

丁香 六月菊 牡丹 月季 紫薇 虞美人 雁來紅

藍菊 俗名江西臘 玫瑰 蝴蝶花 夾竹桃 木槿 石竹

秋海棠 串枝蓮 金銀花

藥類

知母 蒼朮 沙參 荊芥 益母草 紫蘇

杏仁 桃仁 瓜蒌 萊服子 蒼耳子 車前子

蒺藜 牽牛 黑白二種 酸棗仁 地骨皮 枸杞

兔絲子 瞿麥 地膚子 葶麻子 艾葉 槐花

蒲公英 大小薊 桑白皮 老鴉嘴 瓦松 透骨草

豨簽草 薄荷

草類

茅蒲蒿艾萍 藍參蘆藻荇

禽類

鵝鴨鷄鴿鶉 烏鵲鷹鷂鷺 燕雀鷗鳧鴻 啄木鴛鴦鵝

獸類

猪羊牛馬騾 驢犬貓鼠兔 狐狸獾貉狼 刺蝟野貓狸

魚類

鯉鯽鱒鮎 黃鯛石鱧鯁 蜆蛤蝦鱗鱉 青白蚌螺魴

蟲類

蝴蝶蜂蚊蝮 蟬螂蚯蚓蟬 蜻蜒蝮蝓蝠 蛙蟾蠅螬蛇

貨物

麻 棉 藍靛 花椒 蜂蜜 香油 石灰 豆渣石

物異

漢書元初元年四月客星大如瓜色青白入尾分

後漢書獻帝初年韓馥占四星會于箕尾 按四星太白熒惑歲

填二星

前秦苻堅時天鼓鳴彗星出箕尾長十餘丈經太微掃東井

唐開元二年七月蝗

唐天寶九年五星聚箕尾熒惑先至而又先退金世宗大定二十一年大水

元至元四年壬寅雨雹害稼十九年蝗食苗稼草木俱盡

元貞元五年癸亥大水

明宣德四年六月蝗

正統五六年蝗

成化六年夏潦秋旱

宏治二年夏六月大水

正德七年八月黑眚爲異民間小男女多被抓傷至夜各家鳴



鑼擊鼓以防之半月乃止

嘉靖三年夏蝗秋大水

十五年十月初十夜地震縣西夏店尤甚房垣俱倒

十二年十月星隕如雨

二十五年六月至七月大雨水深數尺禾稼俱沒城垣民舍傾覆甚多

三十九年蝗自南來如水越城北飛碍人馬不得行坑塹皆盈禾草俱盡是年斗米銀二錢五分

隆慶三年螻蛄食苗幾盡

四年春大旱

萬曆三年九月地震

二十三年春三河民家生八豕一類人形手足俱備額上一目

清

康熙年西方白氣衝天

十六年蝗

十八年七月二十八日巳時地震從西北至東南如小舟遇風浪人不能起立城垣房屋存者無多四面地裂黑水湧出月餘方止所屬境內壓斃人甚民衆

四十四年蝗不爲災

雍正二年大水

八年八月地震有聲自西北來並無傾倒房屋

十一年大水

三河縣志 卷十  
乾隆二年大水

正年飛蝗來境抱禾稼枝葉而斃不爲災

八年五月大暑人多病暍

十年旱偏災

十七年蝗不成災

論曰古者命太師陳詩以觀民風命市納賈以觀民好惡所以經紀其政教而更化善俗也三河民性質直尊吏畏法務耕勸織歷代所不易也我朝重熙累洽以三河旗民雜處屢勅守土稽察強梗得與內務府及本都統相關以糾不法每月吉讀法宣聖諭以化導之由是好俠尙勇者咸知以禮法自繩而淳樸耕織之風蒸蒸日上矣

三河縣志卷之八

職官志

秦置郡漢置縣而縣令始著令者親民之官以主縣事者也君子居其位則思稱其職而能其官三河官紀舊志不列年表故多疎漏今仿史記例以朝代年號總部其上以令佐各官綴列其下庶裁汰陞任按表可稽第金元以前無可考金泰和中始建三河城故自蒲察始至元代以下則備列焉志職官

額設 歷朝舊制

知縣一員 縣丞一員 主簿一員 典史一員 教諭一員

訓導一員 洵河驛驛丞一員 東門遞運所大使一員

泥窪舖巡檢一員 後移夏店

清朝

知縣一員

正七品 康熙二十九年  
前例由部選以後俱由制院保題

典使一員

教諭一員

訓導一員

陰陽學一員

僧會司一員

道會司各一員

文職年表

朝代

年號

知縣 教諭 縣丞 訓導 主簿 典史

金

泰

蒲察  
五年任

和

元

至

劉瑞安  
本縣人二年任

知陞薊州同

元 貞

劉鐸

二年任  
詳名宦傳

泰 定

脫 脫

元年任  
詳名宦傳

成積中

元 統

趙由中

本縣人

張佑

張寅  
牛居祖

馮瑞  
張世傑

				明		
統	正	樂	永	武	洪	正 至
	孫理		夏子韶	詳名宦傳 十二年任 山東人三	楊蕃 山東人三 十二年任 詳名宦傳	張塘 山東濟南 府人 詳名宦傳
			蘇世選 山西監生		董如愚 十年任	

景 盧 毅

泰

天 順

成 化

高 乾

何 江

李 江

河南人

羅山人

楊 賴

陝西舉人  
舊志賴作  
輔

李 景

陝西人

張 思 溫

侯 仁 徐 璉

謝 良



弘

吳賢

張紳

劉潔

董文獻

劉珣

治

河南人  
詳名宦傳

山東人

十二年任

湖廣人

張鳴鳳

連壽昌

李思廉

劉恭

進士

山東人

鄒縣人

以上各員  
年分無考

閻闕名

山西舉人

楊霆

山西舉人

正 任 德 濟

郭寅  
山西例貢  
十年任由  
本縣縣丞  
陞

王輓  
山東監生  
十五年任

嘉 靖  
陳臯謨  
元年任  
詳名宦傳

張望  
九年任

郭寅  
山西例貢

白鑄  
山西史員  
十二年任

朱應元  
浙江貢生  
十五年任

閻誠  
監生二年  
任

吳道  
新鄭貢生  
元年任

趙鉞

楊澍

張繼堯

孫廷相

陝西進士  
五年任  
詳名宦傳

孫廣譽

臨洺貢生  
二十年任

姚昂

遼東監生  
八年任

李盛

青城歲貢  
五年任

徐宜

八年任

魏華

蔡烈

江西監生  
十年任

張祚

山東歲貢  
二十四年任  
詳名宦傳

何守烈

福建吏員  
十五年任

劉剛

朔州歲貢  
七年任

劉錡

福建監生  
十一年任

屈堂

張守介

陝西洛州  
舉人十三  
年任

張亨

宣府貢生  
三十七年任

陳則仁

福建監生  
十七年任

李時麟

臨汾貢生  
八年任

盧文瀚

十五年任

魏輔

淮安人三  
年任

鮑德

山西舉人  
十五年任  
陞知州

丁登

鳳翔舉人  
三十九年任  
陞知縣

毛錄

浙江吏員  
十九年任

劉鰲

恩縣貢生  
十五年任

宋宗彝

山東監生  
十九年任

田琛

陝西人十  
五年任



姚相南

直隸監生  
三十年任

張仁

山東平原  
舉人任年  
無考詳名  
宦傳

曹科

山西進士  
三十二年  
任詳名宦  
傳

葉恒

揚州監生  
三十六年  
任

金聲

陝西監生  
三十九年  
任

黃翽名

福建吏員  
四十一年  
任

徐銘

山東吏員  
四十二年  
任

張紹

山西監生  
四十五年  
任陞審理

劉瀾

宜君歲貢  
三十四年  
任

周大淵

濟寧歲貢  
三十五年  
任

劉志道

遼東歲貢  
三十八年  
任

李守成

高城歲貢  
三十九年  
任

王應箕

浙江吏員

杭璋

宣城監生

劉錫

同州吏員

胡傑

陝西監生

封鏐

江西人四  
十二年任

魏體乾  
山西舉人  
三十九年  
任陞高郵  
知州舊志  
作體謙

劉文彬  
山西舉人  
四十二年  
任

崔璵  
山西舉人  
四十五年  
任

金世亨  
長清歲貢  
四十三年  
任

賈闕名  
濟寧貢生  
四十五年  
任

郭九淑  
山西監生

趙梧  
山西監生

李俊  
山東吏員

王世强  
山東吏員







賀逢吉

山東恩貢  
九年任以  
憂去

馬雲鶴

河間貢生  
八年任陞  
教授

張鵬翔

湖廣舉人  
十年任

賈棲鳳

廣平貢生  
十一年任

王自謹

河南恩貢  
十二年任  
詳賢員傳

吳之瓚

舉人

袁志夔

湖廣舉人  
陞同知

王之藩

清苑人

何汝江

山東貢生  
五年任

孫珩

保定貢生  
八年任

翁益學

遼東監生  
十年任

馬之服

江南人十  
一年任

孫順祖

遼東貢生  
十一年任

楊時化

尙德光  
化州人

李鶚

博野歲貢

姚元龍

周耀

江南人八  
年任

許池恭

王國昌

雲南選貢

黃雲瑞

舉人

李時陽

永平歲貢

高伯涵

謝陞

山東進士  
詳賢員傳

劉三顧

錢永守

遼東歲貢  
陞知縣

魯學詩

劉錫元

江南進士  
詳賢員傳

楊聯芳

四川舉人  
詳賢員傳

吳禹卿

浙江人

郭鎮

河南舉人

曹濬

王家楹

山西進士

張思桂

山東舉人

李繼芳

陝西舉人

張所蘊

四川舉人

詳賢員傳

天 啓

詹儀

湖廣舉人  
元年任詳  
賢員傳

李正芳

陝西舉人

魏雲龍

陝西舉人

崇 禎

劉開文

山東進士  
詳賢員傳

張廣緒

杜宁

河間歲貢  
十年任詳  
賢員傳

馮啓承

浙江人  
十年任

謝上達

溧陽人

陳一敬

劉夢偉

河南進士

樊士英

陝西舉人

林鶴鳴

陝西舉人

王繁印

河南舉人

江之鯤

開州歲貢  
陞國子監  
助教

姚元

山西貢生

王賜俸

陝西人

裴平淮

山西舉人  
十年任

沈諫

陝西拔貢  
陞同知

孫光啓

廣西舉人

皇順

王元魁

遼東貢生  
詳賢員傳

李樞

焦恒馨

雞澤拔貢  
陞知縣

楊來聘

清治

曹時舉  
毛允中

遼東貢生  
二年任詳  
賢員傳

董國憲

隆平歲貢

冀應麒

山西人

孟希隣

遼東貢生  
五年任陞  
知府

曹從文

慶都人陞  
學正

張守賢

慶都歲貢

斯為美

浙江人陞  
巡檢

王克生

河南舉人  
十年任

何子榮

清苑舉人

劉彩

孫國用

浙江人

劉運昌

陝西舉人  
十二年任

劉顯祖

天津人

孫建中

山東人

魯紹唯

江南舉人  
十三年任

馬有用

遼東貢生  
十七年任  
陞知州

成王臣

河南舉人  
二年任詳  
名宦傳

李庭徵

河間拔貢  
十六年任

高起鳳

遼東蔭生  
五年任改  
調莘野縣

張睿臨

順德例貢  
十七年任  
陞知縣

殷乘輅

寧津歲貢

李之魁

完縣歲貢  
十一年任

郭定

成安歲貢  
十三年任

王文錦

陝西人

劉芳譽

江西人

湯有慶

浙江人

張希傑

山東人



奚祿詔

湖廣進士

七年任陞

同知

王澤久

廣平貢生

二十六年

任

李敷榮

元成歲貢

十七年任

沈光華

浙江人

陳伯嘉

河南舉人

十年任

談字濟

奉天例貢

三十二年

任

劉承祿

遷安歲貢

十九年任

張名耀

陝西人十

七年任

任塾

江南進士

十三年任

詳名官傳

梁允章

真定貢生

三十三年

任

傅甘霖

衡水歲貢

二十三年

任

繆綸

紹興人二

十三年任

余學昌

廣東舉人

二十年任

以憂去

谷一柱

盧龍例貢

五十五年

任

劉士譽

棗強歲貢

二十三年

任

尹章

山東人二

十七年任

冉德  
副貢  
靳維清

四川舉人  
二十二年  
任以憂去

武士宏

南樂歲貢  
二十四年  
任

吳國序

江南人  
二十九年任

彭鵬

福建舉人  
二十四年  
任詳名宦  
傳

劉志宏

析明歲貢  
三十三年  
任

衡璽

山西人  
三十年任

鄭崑璽

山西進士  
二十九年  
任因揀選  
才能回部  
另補

陳宗

元城歲貢  
三十九年  
任

潘廣居

浙江人  
三十三年任

張鼎

正紅旗人  
二十九年  
任詳賢員  
傳

及賁

交河人  
教習  
四十年  
任

趙之彥

陝西人  
四十四年任

張朝琮

浙江監生  
三十二年  
任詳賢員  
傳

高蔭爵

奉天監生  
鑲白旗人  
三十三年  
任詳賢員  
傳

郎秉和

遼東監生  
三十五年  
任陞東路  
同知

祖允煥

遼東監生  
鑲白旗人  
三十六年  
任以憂去

張文運

奉天人五  
十三年任

穆九疇

蠡縣人五  
十五年任

張 炎

天津人五  
十七年任

曹文炳

河南人

陳廷栢

遼東生員

正白旗人

三十七年

任陞知州

鄭富民

奉天監生

鑲紅旗人

三十九年

任詳賢員

閻毅

鑲紅旗人

由陝西招

民即用四

十五年任

陞同知

李長華

鑲黃旗人

歲貢四十

六年任

王原泗

江南監生

六十一年

任赴部另

補

雍

林奕繩

福建舉人

四年任

正

劉永福

山東舉人

五年任

何德祺

紹興吏員

六年任

姜藥

奉天舉人

五年任

程闕名

鐵嶺人

鄭經

景州人

馮紹

十二年任

朱宗道

山東人三

年任

黃正色

浙江人八

年任

許德錦

浙江人九

年任

	隆 乾		
魏 橘 山東舉人 六年任	彭 采 河南廩貢 五年任	唐續祖 江南監生 十一年任 陞大興縣 知至西路同	黃 裳 山西舉人 九年任
薛文儒 曲陽拔貢 十九年現任	楊 湛 元城拔貢 十年任		
劉德用 獻縣歲貢 十八年任	賀廷策 肥鄉歲貢 元年任陞 教諭		
丁世榮 浙江人 十年現任	馬德聚 山西人 八年任		

趙 康

江蘇監生  
七年任陞  
大興縣

陳 基

浙江貢生  
九年任陞  
宛平縣

熊 繹 祖

湖北拔貢  
十年任詳  
賢員傳

薛 如 春

浙江監生  
十四年任  
陞通州

李 溥

高邑歲貢  
二十四年  
現任

郭昌泰

山西貢生  
十九年任

陳景

浙江舉人  
二十一任  
陞貴州麻  
哈州知州



分佐年代無考  
故不列表

巡檢

李文

孫通

任美

劉卿

大使

張亮

康福昌  
濰縣人

田奇  
汲縣人

秦崇

秦得山  
山西人

何義濟  
寧州人

劉掄  
山陽人

郭錫

李顯明

王大化  
渾源人

驛丞

陳維一  
大名

林禎  
晉江人

馬克信  
恩縣人

梁棟  
洛陽人

王松紀  
陝西人

王敖  
淮安人

盧華  
湯陰人

梁豹  
孟津人

封寶  
濟寧人

楊粉  
蒲州人

熊慎  
眉州人

林得茂  
福建人

朱大棣

浙江人

楊友清

靈名人

楊楫

李景嵩

王朴

清苑人

王鑑

山東人

張四達

劉梓

陰陽學教諭

舊志陰陽學醫學在縣治左右今廢

元泰定年

郝閏

訓術

清

王來祚 王來才

醫學教諭

元泰定年

陳允恭 王仁義

訓術無

僧會司

清

永坡 白貴 隆璽

道會司無

名宦傳

元

脫 脫泰定元年知邑事按元史脫脫生而岐嶷及長才兼文

武儀狀雄偉器識宏遠好士下賢官至開府儀同三司上柱國

錄軍國事中書右丞相領經筵事

劉鐸元貞年任凡政之美惡民之利病隨宜因革不擾不煩建講堂興學校士沐其化民受其惠吏服其明卒於官衆思之

張塘山東濟南府人至正年任勸農桑興學校弭盜賊權常平修祠廟旌孝義民懷之不忘

明

楊蕃山東長清人洪武年任均賦役恤民困百務咸理民人賴之

吳賢河南儀封人宏治年任捐俸修學教民桑棉親督織紡三則定役十限徵糧其他剏公廨立養濟置舖遞善政不可枚舉

陳臯謨振武衛人由進士嘉靖年任政簡刑平愛民剔弊內陞

刑科給事中

孫廷相陝西人由進士嘉靖年任明幹有爲吏不能欺民懷其德陞戶部主事以藩親改常州府同知遷東昌府知府

張 仁山東平原人由舉人嘉靖年任蒞政精明處事詳慎理民情親如父子值寇患捍禦封疆陞本府推官轉太僕寺丞兵部郎中出爲臨洮知府

曹 科山西寧鄉人由進士嘉靖年任爲政寬和處事簡約清苦自持不染一塵事治民安允稱良吏陞戶部主事轉汝寧府累官山東布政順天府尹

張 綸山東汶上人由歲貢隆慶年任才思精敏法紀整嚴清地畝審戶丁行公攤法凡錢糧悉爲取辦民無滋擾陞通州牧

轉戶部員外

張 祚山東觀城人由鹿邑訓導陞三河儒學教諭青年雅質心地光明束修不計有無課士不輟寒暑捐俸周貧人文蔚起登科第者數人皆公訓誨所致兩院交獎後以憂去諸生環泣不舍

清

成王臣河南河內人由舉人康熙二年任蒞官三年未嘗差一役擾民訟者隨到隨剖片言立折澹泊自甘而倉儲積漸豐盈差務咄嗟立辦其廉幹又如此後陞景州牧有去思碑紀德政凡八云

任 塾江南懷寧人由進士康熙年任蒞政八年捐穀備賑設

汛防奸舉節孝恤困窮徵糧不事追呼斷獄務期平允且嚴季課資貧士修學校養人材時值地震之變百計撫綏頌德弗替  
陞磁州牧

彭 鵬字兼山福建莆田人由舉人康熙年任先時耿逆叛逼受僞職鵬絕粒鑿齒以避既任修祠廡建義學免苛派嚴保甲邑無盜案康熙二十七年駐蹕三河屢邀召問民間疾苦賜金以寵擢內府工科給事中累官廣東巡撫士民立生祠以祀之

賢員傳

明

王自謹河南佑州人由恩貢萬歷年任實心愛民捐俸修志

謝 陞山東德州人由進士萬歷年任負長才有幹略理煩治

劇興利除弊輒勇爲之處官如家愛民如子調遵化州牧累官吏部尙書

劉錫元江南常州人由進士萬歷年任甫下車問民疾苦哀鰥寡卹困窮招流亡鋤豪猾立斃大蠹于杖下編惡人志以示儆士民誦之

張所蘊四川人由舉人萬歷年任教民種杭稻資水利捐俸修橋邑人愛戴

詹 儀湖廣黃岡人由舉人天啓年任精明果斷事無鉅細一覽無留宿奸胥不容染手上憲連章交薦以病去邑人思之

劉開文山東鄒平人由進士崇禎年任彰善禪惡民心畏服時有鬻黨比胥吏爲奸日挾公私短長公廉得其狀盡置之法尋



三 江 縣 志 卷 之 八  
調遵化牧遷戶部主事

楊聯芳四川西充人由舉人萬歷年任教諭真誠端慤待人不設城府而中自井井振鐸一時文風不變復以嘉禾宜育害馬宜捐戒諸生之不飭者陞隆平令累官通州牧

杜 宇河間靜海人由歲貢任訓導與人無僞待士以誠修葺學宮振興文教陞榆社令遷保德州牧

清

王元魁遼東蓋州人由生員順治年任爲民正疆界定版圖抑豪勢撫流亡摘伏如神且捐助寒儒振作文風值鼎革之交胥吏舞法公訪其奸盡下之獄重者置之於死士民歡呼後以違例解任

曹時舉遼東人由生員順治年任潔已愛民陞太原守遷江寧道

張 館遼東正紅旗人康熙二十九年任夙具才幹敷治慈祥會洵河石橋傾圮往來農商苦之公捐俸以倡不數月而功竣僉曰吾父母德也尋遷涿州牧

張朝琮浙江蕭山人由監生康熙三十二年由文安令調任下車之始即革火耗禁止拏車時值米貴自捐腳價赴通倉運米入城減價糶賣以平市價無絲毫派累民間尋陞薊州牧

高蔭爵奉天監生康熙三十三年任沉毅端方執法平恕舊例滿營俸米均於里社採買公恐累民毅然自辦時值西征供應軍需車輛悉由自捐百姓若無聞者陞南路同知

鄭富民奉天鑲紅旗人康熙三十九年由監生蒞任宅心仁厚  
勇於赴公除弊愛民常恐不及捐俸續修邑誌未刊陞遵化牧  
熊繹祖湖北人拔貢生乾隆十年任性果決在縣多所興舉一  
切學校公署及南門外大石橋公俱重葺治民明察而寬恕去  
之日咸走送泣下至今民咸感之也

論曰有官守者盡其職興利除害當視其境內之緩急而圖之  
不憚難故其志堅不忽易故其心勤斯吏稱良焉三河以近光  
之地際累洽之休吏治度越前代其甘棠遺愛功德在民已祀  
名宦者固堪不朽若賢員則雪痕鴻爪久恐漸淹故又列叙事  
功以俟推崇之典云

